民

或

叢

書

第三編 · 74 ·

歴史・地理類

企業回憶録

藕初五十自述

並世亨著

穆湘玥著

上层意店

THE STATE OF THE PARTY OF THE P

场

失

核

下卷

#### MR. H. Y. MOH'S AUTOBIOGRAPHY

BY

H. Y. MOH

1st ed., Aug., 1926

Price: \$1.50, postage extra

#### THE COMMERCIAL PRESS, LIMITED

SHANGHAI, CHINA

ALL RIGHTS RESERVED

*		分		總	ED	發	著		中
		售		發 行	刷	行			中華民國十五年
此書有著作		處		所	所	者	者	(年册定價)(藕初五	十五
者作:	費驅蟲	商	<b>削費北</b> 谿南京	商上海	商净	商	穆		年入
權翻	廣常 州德	務	安太天慶原津	務性	務河	務		加運費 ) 一 一 一 一 一 一 一 一 一 一 一 一 一	八月初版
印	張州 宗 軍 軍 軍 軍 軍 大 大 大 大 大 大 大 大 大 大 大 大 大 大	即	葉開保 湖封定 南岡老	门盤	南即路	印	湘	進費) (2) (1) (1) (1) (1) (1) (1) (1) (1) (1) (1	版
印必究※	老都 梧重	書 分	南四条 西安 下 市 京 本 京 本 京 本 京 よ 、 市 、 市 、 大 、 大 り 、 大 り 、 大 り 、 大 り 、 大 り 、 大 り 、 大 り 、 大 り 、 大 り 、 大 り 、 り り り り	書。	非 書 資	書			
*	新二度新農園	館	漢杭龍口州江	館市	館路	館	玥		

五二七陸

#### 藕 初文錄下卷

目

錄

上教育司長	由舊金山致滬上諸親友

檢查棉花意見二	檢查棉花意見一	復浦沈張三君論人造棉花	致江蘇省教育會勸辦高等化驗分析所一六	上農商部	復總商會述美棉消毒之方法七	上教育司長二一	由舊金山致滬上諸親友
---------	---------	-------------	--------------------	------	---------------	---------	------------

致某某研究會論棉質原料之關係…………………………………………………………一六

復討論厚生紗廠招募湖南

女工問題諸君:

藕

初

文

下卷

目錄

復廣西譚督軍	其一一	致某君為浦東設電車公司····································	復朱叔源	復某君	致吳瞿安	致張仲仁	致某君爲風傳棉業借款事	致某女士	致某君····································	致職業教育社	致大陸報社論中國移植美棉	復錢壽椿	
五七	五七	五六	五四	五三	五二	五〇	四六				三八	三六	

## 藕初文錄下卷

## 由舊金山致滬上諸親友

滬上 霧漫天故未開行。二十四號十一時半啓碇二十五號下午五時抵長崎二十七號上午 已二等尙可三等則挑剔殊甚下午搭客均紛紛登岸惟日人之患目疾者 甚苛非得在該島之親友具五百美金之保結或現款卽不 時抵神戶三十號上午八時半抵橫濱越九日夜始抵火奴魯魯。 人。不 諸 時抵舊金山船纔停輪卽有醫生上船驗病關役驗照頭等並不盤問惟略 親友賜鑒分襟以後條及三旬景仰之私時繁夢寐玥六月二十三號登輪是晚大 准上岸玥係: 華人且 微有目疾故亦不得登岸關役四面持守日夜巡查華人早晚 得登岸遊覽七月十七號上 (即檀 島) 远人。 此處待 及 注望 中 華人 國 午 人 而

初文錄

下卷

點 焦 碼 名 灯。 頭 詢 玥 次。 + 問。 年 諸 日 舊 來 A 友 則 世 之 否明 界況 在 味。 登 金 輪 亦已備嘗至於身 山 之前。 肄 業 者。 曾 適 由 在 家 兄抒 暑 陷 假 齋 困 期 内。 致 境。 無 均 函 法 於 己 叫 他 仓 施 山領 往。 軟 者。 惟此 禁二 事。 而 日 次 船 夜。 而 到 已。幸 7 時。 並 亍 船 有 無 面。 患 自 殊 疾 形

之 是。 到 刨 埠 日 愈。 人 時。 否 在 如 則 有 船。 不 病 故 知 得 有 者。 刨 日 若 囑 本 何 醫 之 協 結 議 生 上船 會常 果 矣。 年 驗看。 人之族 聘定之美 而皇家醫 居 日。 國 金 醫 山 者。 生。 不 上 較 能 華 船 診 人 將 治。 爲 無 作有。 少而 玥 遂 得請 任 有 意留 協 議 醫 難。 生 會 華 以 醫 濟 治。 人 則 之 越 船 反 日

時、 玥 有 左。 病. 始 登岸。 者 扣 寓 留 學。藉 客 之。 店 無 病 中。 遨 者 見荷蒙諸親友厚 遊 亦 扣 四 留 芝。 日。 卽 逕至 日 五 愛資。 學 堂 也。 星 玥 期。 年 贈之。 不 逾 爲 而 怪。 立。 毫 可 嘆 無 盞。 孰 建 甚。 樹。 學 力 + 號 行。 未 裕。 下 午 所 謀 四

之 時 光。 矣。 作 叮 嚀之 别 話。 矣。 玥之 此 行。 竟 爲 諸 然 親 也。 友之 累雖 然。 諸 親 友 慮。 而 僅 爲 玥 孜。 私 X 計 也。 則

謝

मि

銘

感

之可

然

玥

知

其

必

不

是

則

安

敢

不

殫

精

竭

日

夜

孜

研

求

有

用

輒

故

決計

遊

廣

聞

助之飽

)燈前把

江

口

送

抽

白

仍 貢 恐 不 堪 社 供政 會。以 **分界之用**。 副 諸 親 。 即用矣。 友 之 屬 介恐不 望 耶明 能達 本擬 注 習 理 重 稅 財。 務之目 注 重 稅 的。 務。 繼 故 決計 以 玥 學農以 素 性 耿 求 實業 數

謙 進 致 全賴權門之培植此係智者之事。 讓 步。 他 辛 者 日歸 萬 也。 否 苦 國能集億期 得 則  $\equiv$ 來之皮毛 一間茅 邁萬金圈千日 含數畝 學問。 等諸 荒 如玥愚昧鳥足語此知邀垂注特抒鄙見以聞臨楮不 頃 田。 地烈 流 汲 而 水 烈轟 飲。 行 耕而 **雲至於靑雲得** 轟爲實業界生色此 食集數-+ 路。 農家子復村 恃 夤 固 《夜之乞憐》 留學生之天 學究之本 柏。 職。 手 作 庶 無 勝 敢 不

#### 上教育司長

神

往。宣

統元

年已

一酉陽曆七月三十一

號寓金

Щ。

農 佈 前 也。 遂 學上 益 奉 全球玥爲之忡 逆 手示。 料 以 乏心 吾 墮 落。 飭 國 抒所 故欲 社 非短 會 情 恢 忡者累月致稽裁答今事 見。 以作 形。 復 翩 所能宣 及 農· 人民之道 農業進行之籌 大之狀 場明春歸國後當造謁罄談 德。 況斟 開 闢 酌 畫。 人民之生計。 雖略 玥正 入 手 辦 擬略 定。 法。 而 元氣 以 非 貢 圖 竭 所 一農業之改良至於五 力振 知。 也。 大傷商業彫敞。 以備採 興實 業 納。 旋 不 爲 失業 以 功。 궲 玥、 旣 年 國 農 多。 來 亂 所得 道 耗。 科 生 德 傳

藕

初

文

錄

下卷

W

闊。 孶 多 植 大 設 江 繁 農 生農 南 北。 事 農 夫 試 業 獲 驗 情 利。 形逈 否 則 天 時 然 終 年 不 氣 同。 僕 候 似宜 僕。 不 日處 同。 多設農事 士 於 地 貧苦 肥 瘠 交 試 有 迫 别。 驗 場。 之 且 得 中。 物 農 性 而 學 無 各 專家悉 從 異。 寒 振 拔。 暖 加 乾 心 燥。 主 以 持 得 江 之。研 其 南 所 幅 宜。 員 遼 則

情 時 形 土 測 地 之然倡 之。倡 物 性 之 設 辦伊始。 所 試 官.。 驗 場。 滋 其 養 困於經 要 而 點 栽 有三。 培 濟故宜擇立 之爲 農夫 (甲)宜 作模 本省 專不 範。 產最富之農業品若干 冀 宜 博。 雖 其 效 農 法 產 而 實 物。 受 無 其 益。 不 種。 ĪŪ 以 本 酌 試 省 驗 現 其 植。 時 優 之 劣

而

培

植

H

出

量

培

藉

少。 得 最 殊 無謂 大之淨 也。 利。 以資 2 宜 提 倡。 切 若 實 貪 而 多務 明 晰 歐 得。 美 並 蓄 日 本 兼 收變試 Ż 耕 種 驗 法。 場 與 吾 爲 花 國 巣 之 、菜蔬 法 有 出 園。 入。 耗 故 費 試 多 驗 而 耕 獲 效 種

法。 格 蘭 須 姆 取 等 名 國 詞。 舊 所需肥 法 而 損 料 益 若干 艺。 使 農 磅 内。 夫 應含 易 於 有 取 燐 法。 鉀空 刨 演 素 講 若干 及 刋 分。宜 報。 亦 先 不 宜 取 語國慣 用 燐 鉀 川之荳 窒素。 及 基 餅 菜 羅

觔。 餠 灰糞 灰 糞 之 岩 數。 干 逐 擔。 ----基 分析 羅 格 之。得 蘭 姆。 亦宜 燐 鉀 窒 折 素等 成 斤 平 兩。 均 使農 之成 夫 分。 望 捷 而 痛 知。 快 較 寫 說 便 明。 須 利。 總 用 荳 之求 餅 農 菜 事 餠 若 改

不 在美 m 在 切 實。 此 種 名詞。 採用 與 否。 本 無關 係。 而 吾國 現時之農 (夫毫無) 新 知

雞 而 誘掖之不 宜 重 其因而使之卻步也。 (丙)宜 久遠農產恆產 也。治 恒產 而 無 恆

物 心。 日。 之微。 良結 鳥 乎 果。 動 可。 且試 需 良結果嗚呼是兒戲耳非試驗也故不 數 + 驗 年。 **竟** 天 時氣 有終其身 候 物産 之所宜。 尙 不 足。 決非 而 繼 於短促 以 欲從事於試驗則已苟欲試驗之非 他 人 者。 時 岩試 間 內。能 驗僅 得 良 結 週。 果。 歐 竟 貿 美 然號 人 試 於 曠 驗 衆  $\mathsf{B}$ 

持

久不

爲

功。

效果 農業之目的。 必 益。 溝 也 不 者。 得富 通 但 農 此 何耶蓋虛聲及隔閡之病 也。 夫 於農學智 **蓍研究自研究農夫不之知。** 卽 雖 吾 國 有富 識。 提倡農事 及農事 於 農 事 智 經 改 良為 識。 驗 也夫振興農業頭緒紛繁決非 之人竭其畢 及 經 時 已久札 而未受其影響也夫改良云者。 驗 之 人 竭 飭 生之精力腦 其 也集 能 龠 力 也。 以 研 力。 調 究之。 礼 以 查 從事 飭集會演講所能 也。 聚訟 合全國 於斯。 不 紛 ग 謂 庶 紛。 幾或 或 已達 m 全 尙 奏效。 省、 未 有 改 良 得 大 裨

多 生 也。 | 敷農 蓋 農 鄕 間。 夫 夫 之耕 居 少交際之遠慮雖樸直性成而頑固亦性成欲去其父老所 主 種 位。 餘 法 之改良 皆 居於 客 與 位 否、 者 而定之非 也。 設 試 僅設試 驗 場 及學 驗 場。 堂。 及 不 農業 過 借借 學堂。 此 以 資 口傳 而 漬 III 謂 之舊法而盡 引 改 良之終點 耳。 且 效 夫

我 定之茲不具論第就其成效一方面 不 覺之間。 開 之新 設農 法。 夫 使 非易事是則 學 彼等受改良之實 堂 農夫 不 學堂之章 可不與農夫聲氣 惠然 而言之假. 程、 溝 經 通 農 濟、 夫雖 課 本及手 相通。 如有農學專家一二人倡辦農夫 不 止 呼 續。 吸 視當 道。 相 應逐 而 開 局 者之措 設 一漸去其舊而染其 農 夫 學堂。 施。 與 其最 地 學堂。 方 情 新。 善 者 不 形 而 也。

附

屬

当 識。 供 本 月 白 開 身對於社 四百 農業 費。 豁 其 用 畝招 胸襟。 簡 專 會及國家之關係按時督課之使於短促時問 家從 單 **農夫二百** 而 法、 逐漸 教授粗淺 事 於斯。 升遷其文化程度以爲歸宿。 於五 人。以 之農學及修 华 年 年 內。可 為 造 期。 身國 就 半日工作。半日讀 農夫二十 文、國 語、 則 萬 算法、 人。 學堂每年 以江 內薫陶 書以辛 歷 **止史地理體** 蘇六 मा I 而誘掖之以 十三 造就 抵飯 操、等 四百 州 資。 科 略 縣 籍常 增進 4 人。設 目。 · 均分之。 並 其 款。 有 演 常 以 講

於縣 毎 縣 Z n 四 得 約三千 其於社會影響爲 人。 削 除 去 不 何 堪 如耶。 造 就 不但此 者 华 數。 也曾經訓練之農 倘 可 得 干 五. 百 美。 人。 而潛移 而 此 千 默 化勢 五百 力所 人散

則 有 未 進 步 經 矣以言爲 訓 練 者。 亦 團。 間 接受其 則暗行結 賜 合矣試驗場之良結果農夫能 矣。 如是 而 言農事 改 良。 則 稍 有 取法矣設農學堂則 實 際 矣以言社会 會 改 農 良。 夫 則

送 弟 iffi 肄業 矣。 固 何 憚 丽 不 爲

以 上諸 端擇焉不精語焉不詳。 地氣候而詳明之未易言 惟取其切近易行者言之至全國根本上之計畫非關查全 也。

## 復總府會巡美棉消毒之方法

國

之土

給 接 微。 害蟲之中以墨 域。 再用 棉 一尺高。 等情荷蒙不棄就詢於玥敢不貢其所知以資研究查美棉種內往往黏附害蟲之子而 四 完全受其毒害美 產 我國研究昆蟲學家尙少苟採購美國棉種 炭硫 月十四日惠函並美棉種兩袋藉悉尊處接農商部函稱美棉入口須施消毒方能 不堪設想矣茲將預防棉子內害蟲種子之法錄下。法用鉛皮製成一 桶 蓋須做 一二三兩置碟子 匹 哥之花蕾蟲為害最烈自此蟲傳 到 十分切 國 毎年 合。 內此碟子卽安放於棉子上將桶蓋安爲蓋好不 費數百萬金元合 以桶 口 不 透空氣 全國 時若不預先用法防備。 爲 ·入美國後: 佳。 昆蟲學專家。 桶 旣製成隨將棉子 计餘年來迄今美國 虚 力 深恐一 設法 圓桶二尺 剿滅。 ·使空氣 擔。平 經傳 佃 播。 鋪 獲 產 桶 對 中 效 棉 國 甚

痲

初

文

鍅

下卷

Ł

如

是

考 越 晝夜炭 (硫二)已 變成氣質侵入棉子內如 有害蟲種子即 मा 曲 此 殺滅查 炭 硫

係 之重改炭硫二置於碟子內封固於桶中化而成氣氣卽下垂而收 流 質。 色微遺味。 臭難聞。 容 易 化 氣 散 布。 惟炭 硫二 所 化 之氣。 其 重 量 殺滅蟲子之效然其 等 於 空氣 倍

性 八 易 燃 其氣 到 弗 氏二百三二二度即發火箭 與 空氣接觸而 以 火引之即2 行 爆烈故 使 用

險。 第 此 法。 燗 使用方法甚為簡便而有效驗上海藥房中有出售此種藥品者尚不難置備 爲 危 險。 然消毒 力 **///**: 天偷炭 統二用之過度則 棉子發芽 力 因 而 减 少。 此 物 施用 雖 屬 也。 危

#### 上農商部

蔴 人 織 生衣食住三者缺一不可惟衣料有 11° 114 易散 體溫。 但宜 於 夏。 而 絲 織品 四日棉日 圆 於奢 **侈品之一亦非** 毛日 **藤日絲毛織品歐美各國** 人 生所 必 需。 故 四 者 用 之最 中 以 棉

織 品口 然 爲 一查全世界產棉狀況然後知中國不但不能勝人。且與人比較反覺瞠乎其後矣茲 最 要。 ifii 棉 織品 之 在 中 國 爲 更 要。 人 口 衆 多需 棉 極 繁姒 內 棉 花 產 額。 應 較 各 國 爲

民 將 生于衡時勢植振興棉產之宏願行左右實業之大權挈領提綱以蘄實效虛懷側席不。 棉 花產額紡織槪況列表說明並附陳數事另摺錄奉或亦愚者一得之見也我公軫念

棄獨言敢貢所知以塵淸聽。

附振興棉業說帖

全世界棉花產額

世 九一七年調查美印華埃四國棉花產額之報告列表如左。 界最著名之產 棉 國凡四照現在產棉數量言之首美國次印度三我中國四埃及據

美國 一二·八○○・○○○包(毎包計重五百磅)

印度 三・四〇〇・〇〇〇

**埃及** 一·○○·○○○ 中國 二·五○○·○○○

找國 面 積 廣大上質肥美氣候宜棉除江蘇浙江湖南湖北河南 四川直隸山 東陝 西己開

植 棉 風 氣 之九省外如安徽江西福建廣東廣西雲南貴州以迄 四 |部高原河| 川下流廣漠

荊 初 文 錄 下卷

國 無 五 垠 Ž 分之一。豈不愧甚苟自今以往。 地 域 大都宜 於植 棉。 我 國 Ħ. 學國 棉 區 域。 致利用荒棄之田畝低廉之人工提倡植棉五 如此廣袤幾與美 (國相埒) 而 现 時產 棉。 僅

任 十年後產額之增多必大有 可觀 世。

全 111: 外紡 織 業 艞 況

考察全 紡織業爲全世界最 界紡織業之概況觀各國所有之紡紗錠數已可見矣據一九一 重要之一大工業因其能衣被天下無一國無一人不需 求供給 也。欲

七年

調

查

世

各國 紡 紗錠數之報告列表 如 法。 (表略)

#

國 觀 上 人口占全世界四分之一。而紡紗錠 表。 可 想 見各 國 棉業發展之大概 數尚未及, 矣其紡織業最發達者當推英美、 全世界錠敷百分之一。而此不 **臼三國** 及百分之 爲 巨 學。

之紡 紗錠數完全為 我華商所有者僅及其 兴华餘皆爲: 外商 所經營者也。

我 國 紡 織業 之急待振 興可 參觀 九一七年 駐 華 美國 總領 事最近出了 刊 之商 告由

H 本 進 之棉 紗 布 而 恍然 矣。 列 表 如 左。

棉 紗 占全世界百分之五 -}. 分 值二千五百三十六萬六千一百金元 **革銀一兩三錢** 每一金元扯合

粗 斜 紋 八 八 分 值 百百 4. 川 萬 八千 三百

細 斜 紋 十六分 值 三百三十 凹 萬 四千 九百金元

粗 布 七十六分 値 Ŧī. 百 \_\_\_\_ - | -七 萬 九千 七百金元

細 布 值 H 儿 -萬 零 七百 金元

值 九十七萬七千 一百金元

漂白

布

共 計 值三千 九百 六十二萬六千 八百金元

1-11. FI 水 輸 入 我 國 之棉 紗布既占 如 此之巨 額 IMI 我 國 出 口 運 往 H :本之棉花。 徝 價 千 零 四

使日 萬三千 水 一國棉貨 五 百金元。 \_\_\_ 項。 出 人相 郁 在輸出銀達三千八百萬 抵是年喫虧二千九百十七萬三千三百 兩長此以往。 卽此棉貨 金元據 項已足 上 表 制

人之死命况不 止棉 貨 一項及不 此日 本一 國 己 哉由 此 觀 艺。 我 國 紡 織 事 業。 太覺 落 人

我

刨

後 mi 慶苟不急提 獎進 之。實刻不容緩。亡欲提倡 起直 追。 自 I為之而 自給 而獎進: 芝則 棉貨 之贵空言所能爲力者哉必也舉國一致上下一 進 口。 恐無己 時。 而 平 民 生計。 恐 愈窮 促。提

藕 初 文 錄 下卷

心。

實

力

奉行。

方能

有

濟。

则亡羊

補

牢仍未爲

晚

也。

雖 然 欲 圖 棉業之發展,其要點有三甲製造紡織機器乙培養專門人才內推廣棉產請

别

製造紡織機器 I 欲 善其事必先利其器則機器尙矣我國機械製造尙 在 幼 稚 時代。

而 紡 織 機器中精密之部分製造較難且機體種別甚繁分工精製需資亦巨。 歐美購買以應急需但長此仰給終非善策。 今紡織事 進步。

且紡織機器

之改良

關 保 出品者甚大爲棉業前途計則此事殊 不 能 視作緩圖允宜 相機提倡 者 也。

渦

待

振

與只得

暫

向

二培養專門 人才 我國紡織學校已設有數處但工廠與學校素相隔膜懷才者 苦無 効

紡織 地 方。工 學校。 業 界不得錄用真 亦應於教授適用 才。爲 學識 兩相裨益計此 外更宜: 注 重品性 後各廠應選用畢業 發展辦事能 力。 生藉圖 ( 得 於 出 I 作 校 之 改良。 厰

用

而

對 各方面無格不相入之處訓育旣無憾矣更非廣儲紡織專門人才以應時勢之需求

可。

所占之勢力。不亞於糧食需要之概況業已詳述茲僅就推廣產區言之蓋棉產之推廣。 推 廣 產 推 廣 棉產。 有二要事。 爲 推 廣產 區。 爲 改良棉質夫棉 花 在 人 生 必

間。 有 將 出 自 種 天 棉 然 地 、 者有 畝。 逐 年 出 於 增 人爲 加。 出 數遂 者。 年 盛。 來棉花昂貴。 然 此 項 天 然 而 米 增 一麥低廉: 加 之 棉 產。 故產 究 屬 棉 地 有 限。 方。 農家 未 若 盡 於不 L 力 知 以 不 覺 圖

豐。 道 摘芯掃除蟲害等方法逐年 里 更 n 計 以 有 カ 把 世。 握 其 致。 利 也。 改 良棉 用 例 閒 如 地。 各宜棉省分官荒 質 增植 事 項 求 棉 中。 進。不 產。 含 較 有 之減 厭 网 民荒閒。 不 主 倦以 少產 義。 (改良之) 棄殊 爲 糧 地 改 畝。 多苟能設法 良 華 改 棉。 爲移植美 種 採 棉 花 用 開 者。 選 墾廣栽 棉。 其 種、 得 選取合於 治 失之相 地 棉花。 疏、 栽 我 培 去。 厠 肥、 或 不 出 天 排 數 मि 以 氣 水

育以 地 質 之美 發達 國棉 乏。 此 種。 兩 注意嚴 者自 分 格 途 並 選 進。 種。 以 多 盡 及 治 若 干 地 疏、 分 J, 栽 力。自 培肥、 排 能 水摘芯掃 多收 若 干 除 分 蟲 實 害、 效。 等 改 良 方 法。 華 棉。 逐 收 步 效 培

雖 產 遲。 額 計。 但 欲 改 良 求 全國 華 棉。 皆種 亦 屬 要 美 棉。 圖。 至移 時 實 植 美 未 湯辨 棉。 則 到且粗 能 於較 短 紗布用途 之時 間 亦復 中。 得 較 不 良 少。 之效 爲目 果。 前 然 增 多 必 棉 須 種 花

法 粉 合 雜 亂之 怕。 方 弊。 免 失 而 敗。 保 义 全 移 刮 植 有之 美 美質。 棉。 最 扼 好 要言之。 省 中 無論 純 粹 改良華 選 用 棉。 種 移 種 植美棉果能逐年愼 子。 庶 於 開 花 結 實 之 選良 際。

教 農 夫 精 細 培 育。 卽 爲最易 下 手最易收效之良 法。

研 已 職 夫 至 氣 月 15 究 改 候 1 經 務。 亢。 作 郁 少 这 設置 種 縣設 注 並 地 É 便 毎 力於科 棉 省設 質 植 曲 - - -各 之植 1.0 各 種 產。 一分 餘 分 農 廣 場 不 種 元 總 開 能 場。 之關 至三 學 任 棉 校 方 其 上之研 僅 場。 試 選 用。 便之 恃 驗場。 È. 其 以 係為 ---派 一任員以曾有 少 分 樸 東 元。 門。 究培育 場 辨 數 場 老 迈 儉 俾能 學 設 有成 數 地 耐 洋 農 者 勞之 農 約 置 之研 在 之 良 访 六 效 民立 學 總場實 種子。 畢 作 畢 效 者。 4. 究。 應採 業 畝。 用。 業 植 而 散給 期普 棉之標 必期 毎 生。 生 在 芝 车 用 平 在 地 練習 及。故 費 場實 有 各 此 多 力 敷農家 分場。 準。 方 用 謀 植 一一一 約 \_\_\_ 法。 今欲 必 植 棉 五. 向 須 棉 知 一六百 年 統 之注 **\*\*** 各 設立 事 求 者爲 農校 轄各 業 华。 荅 棉 之普及: 棉作 意。 元。 豫 主 產 以 合 選 分場。 備 持 迅 更不 營業 格。 速發展。 之場 盆 相 派 驗場首 由 凡 當 能 力 往 |總場擇 的 之畢 謀 各分 在 不 地 方 宜 爲 百 在 ----場。 業 先研 法 棉 致 畝。 宜 多 之進 尤 組 生。 其 年 棉 數 品 委 在 費 究 農 織 總 域 딞 任之。 行。 之。 場 家。 場 内。 域 附 約 至 實 其 之 内。 近

試驗場必不可少之三特點

點云何。 。 宜 事宜 久宜普及是也棉作 結 験範圍 E 甚 廣 按 科 で 學上程序水之徑途至繁趣

味 終 功。 其 源 源力壹· 事。 持 求 場務之人當悉心堅志赴此一 他 就 志以 則 燬 求 厥 究竟猶 前 功。 **氪後** 恐 繼 不 速。故 则 主 滯 義。 其進 日宜 自 步於己 有 貫澈期 專 改 良棉 於場。 **刈望之一日。** 雙方損 質。非 經 失故 多 如 或 年 稍 準 百宜 有遊 確 之 久。旣 試 移。 不 驗 克 專 不 且 始

之中。 久。場 龙 般 聚。 於振 田 夫振作之機會從場地豐收之後增四方農戶效法之興味更進一 興棉 業之天 職。 未 可謂 虚 也。 地 方 V 情。 不 能 膜 視誠能 從 輿 步以 情 融 洽

設立收買改良棉花機關之必要

**廣及则** 

毎

縣

毎

鄉。

各設

埸。

以

便觀

摩。

則

風氣

之開。

可計日以待

之。

近收 卽 播 種 蓋 使 種 買。 肯 各 毎 以 積 鄕 效法 以 縣 後。 毎 獎 戶 刨 極 勵 起 鄉已設場且專且 恐 進 應 後寓 行。 附 而 mi 設 且恐隨作隨 便 小 試。 收買 利 推 之。 如法 廣 方法 改 良棉 播 任 一輟寧守故 文。 以 地 種 於便民之中。棉產之發達可 花處。 方 改 從 良 商 事於 以 棉 販。 步。 操 花 便 (力謀植) 後。荷 不 鄕 縱 民更 願 而 再圖 貶抑。 無 w 順 改 買 改 棉之普 須 則鄉 出 以 操劵以 良棉 及可 善 民 價。 對 試驗場。 花機 謂仁至義盡矣乎。 於移 使 待。 旣 苟 關。 種 植 之家。 於種子 出較高 本 良 此意 棉。 堅 以行 之代 散 多 心 給 顧 Ė 進 猶 取。 慮。 價。 四 就 鄕

瘛

初

文

鍅

下卷

### 所費有限而收效無窮矣。

# **致江蘇省教育會勸辦高等化驗分晰所**

聲 吾 象。 實 之日 會。 之 令 聲日唱 以 用 蘇 所謂 非 日 兼提 是 主 1也請約舉: 加 教 萬 義 育 主幹 急之 捷。 議 社 以 事 日高。 及 會 而 應者自 業。 務惜 來各處聞風興起漸收實效 學術 此 屬 望 爲 ·此高等化驗 惟在在缺乏一 事竟邀吾教育界領 一於吾會 全國 者。 未 速是 即高等 得 人士觀 時 已。 機。 者 迄 化 日 近 分晰所諸般 未見之 數 聴 深。 種最緊要之主幹學 驗 近 年 所 分 間。 集。 晰所 袖 自 、吾會 施 社會 諸 中 之關係 君子 是明 所謂登高 日 行。 义為 交 百 令 事。均 者 去 涉 致之贊同此誠救時事業最大希 發 蘇省 如 此 年 而招臂非. 由美 生以 近枯 左。 衕 事。 家爲之左 教育 졺 八回滬之始。 後。 寂。 應 惟吾 事業最 時 全國 勢需 加長而見者自 震悚提 右 蘇 教育 水。 已 補 高 級機 日前 略獻言化驗 助。 。孰爲任之。 事業頗 倡 웲。 會 國 多。 場 貨。 自 提 呈 望 振 吾 望誕 議 惟 分 興 活 風 會 實 提 諸 晰。 動 有 而 生 要 爲 吾 業 氣

農業界之屬望於高等化驗分晰所至切也。 吾國爲天然農國土地之肥沃天 (氣之溫

集 和。 般 物産 識 海 時 內 之豐饒。 多數之英俊。 俊彦陸續投身農場已不乏人而農產物 久爲 一致經營之卽 世 界所豔 羨。 關廢地役閒民察土質考物 此一 舉亦足以 上迄未見有特異之進步者。 躋國 運於富盛然而有難言者今日 性講求農作大興天 坐以 產。 缺

高等 等 此 餘 化 驗 化驗分晰所切要之指導千日之講演不及一事之實行苟得吾會起承斯乏則農業 力。 分晰 然 而 所 土質之偏枯肥料之配合植物含質之成分農產製造之發展無在不 故。 夫農業經 濟。 迎非他 項實業比卽欲 力求完備自 設化 驗 分 晰部 究竟 仰 首 於 無

之勃 興。 可 以立 致較之僅供 僅注力於農業教育者收效當百倍

一工業界之屬 人就近供給之旣能爲多數失業開 室於高等化驗 分 晰 所 至 生活之路叉能使如許外貨絕侵略之機。 切 也 加工 生貨之上。 一使成熟貨邦人士 生存 所需 競 要

爭 面。 業獨 爲 吃重 近 4-年 來。 I. 廠繁 興富 强之券庶幾 在 握。 何以 論 出 品。 則 罕 至 平 精

擲 一二萬 巵。 則 終 等。 計 無 所 底 一工廠之所需用者或爲製革工業物或爲造紙工 止。 譬 如 紗厰 成立。 機械 則 動占二二十萬 金 不 業物各廠有各種 等。 雜 用 物 料。 又 歲

價。 政。 物 特 内 置 質 求 地 異 之美 (之需 售於 遠 mi 不 識 舉。 工 之土。 悪。用 外人 要 口 ं पंध 途之廣 八者有之矣。 一業組 種種 着 手 開 大 色 與猶 狹鈴 色不 採。 高 雕 勝 此 2 路 不 之通 化 平 枚 乏 舉。 X 驗分晰之事吾教育界起而圖之。 末 然 興 塞。 耳。 無 以 無往不以 IÌ. 數 味 比年 工業 於 化 化 驗 用 以 Д П 來。 Ī 分 一之適 晰 各 在 之 强 在 事。 權 否 與 嵆 國。 爲 化 生死 鳥 力 驗 (知语 行 分 金 掠 命 晰 而 國工業界一 充 奪 脈。 黑 化 主 生 驗 巨 義。 士。 攫 以 分 大 之 至 晰 我 Ż 日 礦 關 低 之 藏。

里之 程 其 心自 此 始矣

其 并。 機 目 位。 棚。 未 關 張 爲 社 亦 赝 膽。 會 竹 耳。 H 告欄 化 惑 1 查 等。 颇 我 化 各 分 愚 園 此 热 國 民 望 郇 絕 晰 行 大廣 於高 攫 Z 政 Mi 人之金錢。 公署。 檢 水 告 查。 得 等 許 化 茍 於 面 品皆檢 積 馬魚 取 不 可 證 締 戕 Hi<sub>o</sub> 適 分 於養 者。 人 + 晰 種 之生 之六 不 種 所 得發行。 生。 飲 至 七為 巖。 必封 命。 食 切 物 冒 也 殺人 閉 大不 既 III o 之禁不 許 炕 至 之藥 īI 爲 避 取 物。 嚴 矣。 而 令 得 叉 厲。 無 物 日 廣 必 用。 稽 少 各 告。 此 隨 顧 報 查 其 嚴。 外 時 糾 忌 紙 者數 檢 爲 檢 如 察 之 鬼 小 查。 之知三分之二 爲蜮之徒。 茶 以 事。 吾 場。 防 力。 貴 祉 成 會 飲 流 食 弊。 化 之 敢 店。 人 驗 無 之 於 4: 家 機 檢 乳 私 查 明 地 關。

水

菓

攤

種

種

日常

食

用

查

惟

至

外

來

藥

檢

查

尤

限

制

益

以

覛

吾國

對

於 之 物。 飲 非 食 物。 惟 樂餌 不 知 物。 所 以 限 取 制 放 任主 之。 日. 竟 義。 有 戕 賊 掃 人命 地 斯 之事漫不幸 文。 代 撰 證 駭怪。 書 之 事。 力 般 無 助 知商 推 行 者。 民。 多 對 數 於 戕 愚 賊 民。 以 人 命

明 以 推 無窮 利 廣 租 施。 害 界以 之 其 之痛 列 故。 强之託 謀 相 苦。 厚獲實 竟 率 岖 有 足 如 身 吾 當 此。 行 其難 境內 試。 仐 何 死 者。以 幸 食 11. <u>-</u>}: 得 不 吾 義。 悟。 吾 鳴 無 少 會 化驗 數 趙 呼。 Į. 識 負 分晰 斯 國 者。 竟 以 職。 以 機 未 祉 缺 會 關。 得 乏刷 乏高 人民 化 驗 昧 等 報 新。 告之 危 於衞 化 害 驗 之掃 生要 故。 分晰 相 道。 除 所 與 故 箝 疾 故。 藉 風 而 迅 遺 結 П 防 社 舌。 會 疫。 愛

自 治 3 業。 有不 田 此 而活 躍 者 乎。

勢 重 需 教 此 有 氷 界 提 者。 倡 之屬 惟 實 度 望於高 業 也。 用 主 教 義。 育。 **4**4. 今 與 夫 H 11 勞 校。 驗 教 作主 分 有 晰 界 義。 領 所 駸 至 袖。 以 駸 切 實 平 也 趨 業 正 向 教 育。 國 實 今日 利 猝 主義 難 普 白 業 之 及。 待 謀 興。 校。 方 於 普 面。 此 通 才 誠 教 FL 生活 育 饭。 其 th. 最 教 稍 稍 應 趨 時

之 闡 一發之處。 輸 濱 至 海 爲 學 繁 校。 賾。 趨 雖 重 於漁 初 高 鹽業 小 學學生程度 知 識 之 輸 至淺。 入。 其 未能 切 驟語高 生 活 教 深。 育 然而 方 面。 此 有 最 待 大 乎 多 化 數 驗 學 分 力 晰 較 所

淮

展

機

會至

夫

四

鄕

學

人到

重

於

、農桑業

知

識

之

輸

入

城

市

學

趨

重

於

工

商

業

知

識

三十

淺 於 詳。 教  $\overline{\eta}$ 之學 育之不 以 矣。 教 此 實 有 H 生。 缺 收 म 業 足。 效益 皆 憾。 惟 **者至廣大僅就** 他 知 者固宜 各 各 H 校化 校 在 國 有 及 家 驗 同 早扼 沚 慨 分 八晰之事至祭 補助 矣吾 會。 , 安指授之此; 凡百 教育事業言之此高等化驗 省 事業 教 育 爲 中。爲 簡 會 外 單。 組 中學 主 織 不 要 限 此 於 以 人 項 、物凡生 **、經費。** 上諸 峝 等化 學校皆當 **或限於人** 活 分晰所之設備亦未 驗 分 上 一必需 晰 才。 機 注 缺焉 之化 關。 重 以 理 化。 輔 不 學 備。 以 知 佐 可一 之。 語 補 識。 焉 有 將 實 H 裨 業 不 來

#### 復消 沈張三君論人造

緩

相 諸 方 告茲就管理 君 實 -}-驗。 對 於 於人造棉花 今 見所 僅 及三載。 及為 述 經 事。 棉花要質以資研 驗 尙 樂研 淺。 心 究就 得 無 詢 幾。 於現現對 究夫 乃 過 棉花 承 推 之所貴者在乎 於棉產雖 愛。 質 疑 於 素 玥。 所研 玥 具有 有 究第 所 足以 聞 紡 知。 紡 紗 敢 植 紗 不 之性 棉。 掬 誠 雙

能。

III

世

界

史

無他類纖維足以代之故棉花

之可

貴爲

泰

東

阳

紡

織業家所

公認

耳。

凡

纖

維

之優 劣。 恆 视紡質之充否定之就普通 紡質 会言。其 八必須精 究之點 有 远(二) 纖 微之 長 短

纖 棉。 幾及二 做 之長 一寸。雖 短。 以 棉 间 在 花 種 粒 類 棉 而 異。 子 我 國 花絲之長 浙 省之 短。 姚 間 花。 有參差。 其纖 微 然其差度要不 長 度。 僅 及 4 寸。 越五 而 美 一分之一 國 海 島 以 長 絲

業 若 支 短 太 緊 懸 要。 殊。 因 則 拼合為 絲 粗 難。 壯 等殊難 不 適宜 於紡 絞 緊。 紗。 而 纖 微 之 粗 力。 細 纖 微 之粗 細。 於紡 用。 織 事

此 也。 亦 (三)纖微 쎎 之旋繞 花 纖微 細 不 之佳 者。 毎 根花 絲旋繞彎曲之數爲最 無 强 大之 韌 姚 花 不 多芍花絲 能 與 美 花 無 拼 此 旋 正 繞 爲

形 繞 狀。 狀。 勉 韌 强 ガ 始 製 紗。 强。 若 韌 ガ不 棉纖 定。 卽 微。 則 天 不 適 然 於紡 具 此 織 形 之用。 性。 逈 一時之各 非 他 秱 種 纖 微 繩 所能 頭 製根 幾 及。 並 四 合。 必 纖 用 人力絞 微 之軟 成 硬 旋

姚 花 及青島 花。纖 微最 硬。 故 現時市 價。 毎擔僅二十三兩。 而美之短 絲 棉。 毎: 擔値 價 四 两。

美國 之海 島 長 絲棉。 與 埃 及 棉。 毎 擔竟 植 八 ---网 左 右。 蓋 花絲 短 Mi 粗 硬 者。 僅能紡 + 四 支

以 下 之 紗。 惟 纖 微 長 而 細 軟 者。 能 紡 百 支 以 上 之 紗。 其 價 値 Z 懸 殊。 職 是 故 也。

以 研 究之性 四 一要質。 質。 僅 尙 不 就 棉質 在 内。 之大 苟 四 (概言 一要質 之。此 m 失 其 中分 際。 則棉花之價值 人 人 知 之。亦 "大貶矣而· 人 V 能察 看 人造棉花 乏。其 於 之具 科 學 有 此

藕 初 文 錄 下卷

造 味 兀 花 否 之問 要質 芝 設 棉 花之廣 能 厰 製造以 題, 與 合 否。 於 玥 告幾乎日接 發 紡 實 專家一宣布之。 織 求 明 應 未 與 在 台。 用。 數 敢 決 尚 - | • 及 未之前 此 於吾人眼 年 100 物之 前。 夫稻草用烈性碱質製成類 曾 製 聞。 實 造能合 玥 簾 37 所 中,而 應 目見 用 於工業經濟 友朋之舉以質詢者。 化 人造 學 ·一二年 綿花 之原 者類 小 似棉花之物係化 樣。 理 能 僅 與否玥實譾陋。 不下 知之。 如 鳳 毛之一 數 無 足 - - -起。 怪 學 撮。 Ŀ 也。 業 至 無 然 ----從 此 人 华 種 造 者。 有 來 曾 趣

#### 檢 查 棉花意見

選

請

人

造棉花

定論。 攓 錢。 日 來 水。 不 亦 以 無 可 棉 以 煩 有 分 數 当 花 力寸近年以下 計。 驗 人 之喋 十餘 水事激動羣情鬧成絕 年 喋。 查棉 來。 前。 花行及各 花行 花 尙 攙 少。行 水 恶 紗廠收花處逐漸增 習。相 大 規 風 頗 沿至 潮現既由賢 稱 嚴 肅。 令。 已三 荷非 多商場競 明官 多 四 雨 4. 之 長。 年 詳細 年。 矣。 争於今爲 或 壐 訪 特 落 查。 朔 出 歉 口 烈。 是孰 收 信 Ž 因 用。 歲。 此 損 非。 獲 刨 終 失 利 使 金 有

倍 用 則 難 愈 於 失 往 矣。 日。 是以花 、 玥嘗謂· 商等。 在 碼 因難 頭 上 取巧稍 檢 查 溼 貶其 花。 實 非 價。 上 而 以潮分 策。 蓋 鄕. 爲 愚 挹 無 知。 注。 價愈 如 溼 花 貶。 而 而 能 潮 分 脫 售。 則 則 愈 高。 花

苟 中 秤 有 手 幾 始。 而 何 容 不 -收溼花則市-水 能 力。 勢 必 盡量 上 芝 矣。 溼花立 攙 入。 彼 時 亦 何 可 絕 樂 迹故拙見以 而 不 故。 爲 哉。 夫 爲 鄕 整頓 人、 求 溼花 售 者 方法必須自 也。 秤 手、 收 故。 售 者 整 也。 頓

派定 弊 將 奈 地 段 何。 日, 每是至各花行。 除 花業董 事。 或 隨 時 其 監察 他 收花 外。 處。 應 得 由 自由 间 業另舉 入 花倉間擇其潮 公正 人 (若干 分最 名。 優 重 其 一之花樣 薪 水。 重 幾 其 個。 職 權。 毎

秤

手

今

驗

水局

肥

設立

多年

鄕

人

之

攙

水

如

溼花

之充塞

於市

上

也

如

剔

除

此

樣。 個 約 編 成 重 號 磅。 碼。 装 按 入不 H 逐 通 空氣 用 電 之鉛 氣 烘 皮罐 見。 准 確 内。 註 核 明行 算。 借出 名月 卽 塡 成 日。 後 表彙存 刨 攜 至 備 驗 查。 花 局。 並 将各 須 嚴 定 家 行 所 規。 來 之 花

衣 百 分 中含 水 分若干 分以 外 者。 不 准 收買。 《違者處罰》 各行 1皆應恪守。 如秤 手 收 溼 花

未 次。 為 屢 戒 過 而 也。 茍 不 改 腢 者。 此 辨 或罰 法。 田 洋。 或罰 地 方 停秤若 長 官。 督 干 祭 日。 於 前。 如 遇 曲 規 矛 矩 可 教 行 誨 家。 之人 力行 則 於 雖 後。 堅 削 結 奪 其 團 秤 體。 花 不 賤 資 格。

徇 盐 Jj 做 去。 患 無 拔除攙 水積弊之一日。今不揣其本 而齊 其 末何 其計 也。

鸈 初 文 錄 下

二十 四

任流 或 者 、弊之存 日。子 言 在己可 [誠是矣] 其 卟。 有法 如行 規之不 在 前。 尚憂守法之不 易遵守公正人之不 易更可醜孔氏有云我欲仁斯仁至矣。 il 老 得 何。 應之日託業 於此。

天下 檢 查棉花攙水係行政 舊 棉 我 查 海 斷 |棉花甲乙丙||說理論滔滔然於事 花攙 縣 曆三月十 邦 檢 檢 無做 知事呈 查棉 人 查棉花意見二 水之弊夫農事試驗場之目的。 君 不到之事。 子 花攙水等弊實非試 文欣悉上 ·五日上海各報 共商権之按 上的防止方法。二者性質 止問吾人有無決心可已。 一海商業家對於整頓棉產不遺餘力盡籌碩畫欽佩莫名。 甲說主張。 所載上海縣商會、 驗場所有之責任蓋 從根 在於研 實 本 上 相反萬無兩事合舉之理明留美六 解 所難辦到 究種: 南市 決先從農產 改良 法改良 縣商會中國 物質。 物質。 物 係農業上之精 着 少不揣冒去 手。 棉 但於物品收穫 設 業 聯 깘 農事 合 昧。略 會會 神 試 年。 調 後。 陳管 惟 事 銜 驗 場。以 呈 業。 天 所 檢 職 復 杳

閱

上

杜

與

實 附 業。 足 跡 徧二十餘 場者考。 州。 毎州 農事 國。 試 驗場。 少 則三 然。 四 ]處多則| 會。 二十餘處從未聞 业。 有 檢 查 張。 機關。

立 花 所 辦 設 於 攙 事 於 各 水 試 試 之 鄊。 )弊是二 驗 驗 場 則 外。 將 再設 說 檢 之 查 也。 立檢查 東 除 所 隸 試 四 驗 各 屬 ラ 分 所。 場 於 鄉 附 亦 設 而 公所 何 獨 檢 丙 說 内。 查 不 主張。 所、 手 不 續 此 專從 成 中 雖 問 誤 不 題 鄉 间。 公 外。 不 而 其不 所。設 能 在 鄕 不 间 間 立 糾 之 棉花檢查 檢 JE 點。 查 者 棉 \_\_\_ 則 花 Z 芝 機 專 說 辦 關。 設 主 檢 以 法 救 除 查 則 分 棉 設

之 也。 各 試 董 問 各鄉 事。 各 鄕 鄊 所 公所設立 檢 查 之棉 以 花是否 來。 曾辦若干公共事 須責 令 各 鄕 業。 戶 各鄉鄉 挑 至 鄕 董能否賢思 公所 受 驗。 或 於 現辦 由 鄕 公 棉 花檢查 所 派 至

途 各 家 而 檢 受 查。 驗 乎。 荷 使派 至 鄕 人至 公 各 所 鄉 IIII 戶檢查。 受 驗 也。 一檢查 則 人 鄕 心之資 周 圍 格 至 少 如 何。 須 姑 四 不 五. 具 里。 論。 能 否 而 檢 使 查 各 之後。 鄕 民 是否 僕 僕 能 道

保 各 鄕 戶 不 再. 攙 水。 H. 檢查 之人是否能 各處 律 實 (力奉) 行。 卽 使 實 力 奉 行。 是否能 保

鄊 所 戶 則 不 有 羣 多 起 所 苟 m 舉 反 Z 抗。 吾恐 内 兩 鬧 說 局 III 實 風 潮。 行 之。 又 將 各鄉 變 而 從 爲 此 鬧 紛 鄕 擾 公所 無 寧日 之風 矣。 夫 潮 矣。 攙 水 止 者。 係 所。 鄕 販。 而 鄉 非 公

商。 此 說 机。 吾 亦 韙 之。但 一檢查 機 關。 祗宜設於聚處不宜 設於散處故檢查 三棉 花 之舉。 非 病 商

藕 初 文 錄 下卷

一十六

設 民 机。 對 有 之 意。 外信 想 實 便 m 後。 年 捷 褟 欲 己。 m 卡不 用起 來棉 此 恢 於 此係治 此舉者。 事 復 質 花 棉 得 見除殷實公正 標之法。 未 留難 商 出 然以 Z II) 口 信 數 厚 將 或能 現 非 H. 用 外 耳。花 日益 在 11 2 人 花商。 商 有 所 明曾建議棉花檢 情衡 商 辨 效至於根本 組 織 各樹信用 不 多。 乏棉 之尙 自 m 謀。 外商之收 覺情隔 花驗 政府 解決 外,再 省之 水 不 於 設立 勢禁。 會。 得 花。 )舉應責 設法 此 不 時 若 雖 m 也明實 代謀 棉 有善 取消。 廠 成 家 花 於各秤手防 官 之。 法。 檢 及 無論 辨 查 末 未敢夢想及 本 商 局。 由 國 声驗 厰家 辦。 執 政 府 原 行。 之精 止 無 出 無 處 己。 流 出 口 理 棉 各 人。 密。 弊 再 花。自 但 事。 爲 退 事。 求 固 恢 不 步 驗 復 無 愜

## 致某某研究會論棉質原料之關繫

豹。 閱 然洋洋 H 報。 敬悉 高 論。 本 至 會 爲 副 動 曾 聽。 長。 具見 睯 華 僑 本 會同 代 表 人 諸 君等。 熱 11/1 擬 實 業。 1. 無 全 任 國 I 紉 商 佩。 惟 大計 於請 條 設 陳 製 五 造 則。 原 玥 料 雖 大 未 厰 窺 全

條。

内

稱

刨

以

棉

花

項

而

論

1

海

紗廠林立。

而所出

之

紗最

多不

過四

十八支或謂

國

何 所產之棉經緯較短之故此等謬論不值識者一笑殊不知日本所用之棉大半購自我國。 以 ( 彼能紡 出 百 數十支之紗此非關於原料之優劣明矣云云。明實未 敢贊 间。 查

市 中 七五用印度棉二千三百四 用 國 華棉三百六 Ŀ 無 最 此銷路有人紡製與否玥實未之前聞又查日本一九一三年上半年棉業統計銷 細之紗僅達四十二支惟南通大生紗廠及敝廠 十五 萬二千二百二十貫『每貫一百兩合華權六斤四兩』合百分之八分 一十五萬二千六百五十四貫合百分之五十五分二又用美國 內間或紡出至於四十八支之紗。

六百 棉一千二百九十三萬五千一百九十四貫。合百分之三十一分又查日本於一九一二年 內 紡 七 十六支紗三十六萬八千 包。 四十二支以上之細 七百三十九包『每包四百磅』又二十支紗三十六萬 紗僅 四萬一 千四百 零六包則日· 本所 紡之 細 紗是

否用 十 餘年之紡 華棉抑美棉。而原料之優劣。是否於紗支之粗細有關係不待辯而自明矣。以日本三 織事業所紡 一百二十支之細 総於一 九〇二年內僅 有 九 包現 在 能 有 幾 包

不 得 而 知。 故 日 本 所紡之 一紗尙在百古 支以 內也。 玥 創 設植棉試 、驗場。已三年矣希 糞 改 良棉

以抵 制 舶來品。苟其原料之優劣。而於紗支之粗細無關也則又何必絞腦汁費金錢日

二十八

夜 業。 故不 此 有 或 學識 孜 前 家 更不 淸 权 嫌辭費發表意見以與諸 祉 能不 經驗。 從 實業家所以 會蒙其福所建議者。 事於此 而乏質 出以詳密之考核本會同人以振 哉雖然振 行以行 覆 敗 也殷鑒不遠吾輩 之猶恐 興實業殊非易事一業有一業之學識一 而未盡安治 同 人仔 無良好結果。 細商権之知我罪我不暇計 也則吾會且將 |文安能| 興工商為 無學識 循 前 爲 經驗實 職志。 人之 衆矢之集 所建議 覆轍 力。 也。 而 略者而非常 蹈之若籌 人有 欲從 的玥係本會一分子。 事於 人之經 妥善 畫 振 、興實業。 至 驗荷。 也。 國 則 實

# 復討論厚生紗廠招募湖南女工問題諸君

黄 志。 事。 並得校長 君 本 閱 操 與 年。 終歲 棉業 之介紹晤談後覺黃君性情殊爽直有風骨無習氣故錄用 接近 勤 勞毫 之原 無倦態予頗信任之。蓋黃君能自食其力不務虛名實 由 黄 君 本操肄業 上海 淸 心 實業 學校時聞予 之。助 名。通 予 辨 現 時青 信 理 植 白 4 棉 所

中

亦

वा

多得之士

須 紡 織 添雇千餘名又在河南鄭州開辦豫豐紗 業 與民 生之關係 予 在 上海創辦厚生德大兩紗廠現有工人二千 厰年內在該處又須陸續雇用工人約三千名。 -七百名年 內

迫工 接 地 方 问 頃 接 Ŀ X 廠中領工資以裕其家計者「如本廠附近居民一家數口四分之二三在廠工作」而 無 間接因以 厰 慮缺 員來信述及開招未及旬 泛於此 裕 其生計 可見一 者且倍蓰焉故予深信欲救中國之貧弱舍振興各種主 斑。 蓋紗廠, Ħ. 已得應募工人三千八百餘名已溢額內地民生 內每萬錠子需用工人六百餘名各工 人爲 值.

**灤外。** 無 他 道。蓋 平 民生計不 寬裕 卽 不 能使地方進於治安之軌 道 1 1 世。

紡織業 業急起 失 大爲 者。 减 直 知 擴 少。 張原 追。 毎 凡 幾即以棉業論美印日諸 包十六 盡力 因及招募湘省女工之動 推 支向 廣。 故予 售百 亦 有 兩 者 今 售 一 百 添招女工之舉 國咸注力於供給歐洲之缺乏致我國市場棉織品。 機 兩。 自 夫 而 歐戰迄今我國民之受其影響而蒙 我國 直接蒙其 人 、口之衆 害者。 我國 多生計之奇 民 (耳於是紡) 窘资 其損 本之 織 同

難募 或 有工 集工 人缺乏之感 |業之不發達已成各地方通 但距滬甚近之蘇松常太各屬 病。 上海工 **廠林立就浦濱** 人烟稠密招 一隅觀之今後新廠 三至便易。 而 遺 本 操鄉 勃

藕初文錄 下卷

情長念兵燹之後。 生活 艱難陳請試招湖南女工若干名予亦以湖南第一 紗廠籌備迄

今已六七載。 將來開工有日。 而熟手工 人不易招募則所 受困難當的 必不 少。以 此 兩 種 動念

問答等記載聲在長沙大公報湖南日報閱悉名言卓論至為紉佩惟問有誤會處予係當 發生委派黃 君。 就 湘 省招募女工 之事。 頃因 招工 問 題。 而某某諸 君之發表意見及某 君之

局 者 請 向 諸 君子總解釋之可 平。

細。 人格 故請 問 具志願書並請家長署名及舖保亦以杜流弊而免招清議 題 按商 業習慣無論 在 何店號行舖就事總須 有腐保。 也而某某君以爲 此 次所招 女工。 更宜仔

把五.

十女工 做 人的權利取消予以爲某某君確係書生於職業界習慣法未甚明瞭故發 此慣

五 二工資問 分現時三角左 題 海 右膳宿自備工值之級增固 紗版 女工十年前 熟 手工人。每日工資約一角七八分五 因地方 生活狀況而起變更一 一年前二 視乎 大 勢所 角 四

作情形加增此種待遇並無故抑之處西諺有云世界不 -知汝爲誰( 但問 汝能作何 湖

趨。

固

不

能

以

部

分之意

思,

故作

低

昂

也。

今

本

厰 試

招湖南

女工。

元給

入元。

允

以

後

酌

資 作 南 以 我 此 小。 之多 與 女 能 爲 全國 而 責 力。 作 投 九 寡。 之死 及責 資 小時之工 時 任 須 其 毋 乃 作 間 人。 心 八多所顧慮了 能 之有 命。 任 問 然 心。 力 題 太不 作不 則工 則社 如 無。 何責任 此 工 近情理 工業振 一資之增 及八 會 唱 作 國家。 十二 彼 小時 心 和。 與將無 平予敢 如 亦 認 小 加。 之多此言。 時。 間 其 自 何。 一接蒙其害焉。 其果能 似 爲 然 **灬隨之若徒**? 忠告提倡 平 望國貨空虛外貨愈得安然佔據 新 思想而 太 勝任愉 心予甚韙之予前骨譯述美國 長。 而 此贵非 |勞働問| 某某 相 唱導多給 快否。 率 君 提 近倡之實業 1 大背諸 題 尙 引 諸 證 未 I 值。 君。 ग 阿 務須 制 君 必。 而 伯 子 界 而 不 先謀增 愛羣 氏工 中。固 問 諸 我腹地 其工 君 一戴樂爾 愛國 子 厰 直 作能 加工 管 接 先 之初衷 之市 蒙 斤 理 人之工 之研 广 君。 其 力 場制 害因 所 之大 著

劇 視 輪 烈之 厰 也 轉 設 適 雖 停。 使 用 I 某某 作。 之學理管理 作 工 及簡 人僅 十二小 君 從 單 以 機械 旁 文 時。 學家 法。 監 然 於工 此 之工 视 係 而 如 按件 莋。 廠 有 組 斷 織 各 而 給 不 別 紗。  $\int$ 心性質以 即行接 值。 適 厰。 勤敏 實 用 地研 於 之人。出 上。 紗機之工 迄工 究。 毎經若干 必恍 製較 人工 作。 然 時間。 蓋 多。 於 作 則 紗 時 阿 略行 機 得 間支配之異點。 制 開 伯 工資 車 車 氏 之所 後。 亦 面 較 整 除 落 云。 多。 理 其 而 紗 僅 知 中 適 外。 未 休 日 用 口 息 混 於

粒

初

文

得工 時 斜 紗 紗 間 橋 廠 敝 之多 作然而 內工 資 招 作情 愈 I 樆 作。 少 問 多 形以為 亦 亦 故 題 我 十二小 視 國 諸 也。 君子。 湖 其 各 該 人工 南 布 训 時, 巨 亦 厰 紗廠工 全國 作 神聶 女 工。 曾 勤敏之程 將 君雲台為 紗業 大都 内 人 國 僅 1 要求 紡 作十 度而 作 織 我國 工 業 時 分之本 間。 小 大 作 時。
豊 大都 楩 **紗業**亘子經理上 至 情 如是問 形。 厰 知該處並 紡 四 而 小 研究 有 時。 兼 無紗 蓋工 織。 更長於此 否 織 海 恆豐紡 平。 版。 作 厰 | 某某君 某 時 内。 某 者。 間 叫 織新 以 君 不 愈 識 適 曾 長。 研 局 例 Mi 用 究厚 之女 多年 舉 Ι. 八 Ŀ 點 生 鐘 海 所

涼 國 有 小 係 時 人 紡 紗錠 絲 口 入 蔽 分之一 或肥 者。 五. 不 Ŧ. 識 皂 某某 殿工 有紡 -<u>i-</u> 百 紗錠 萬 人。 君 枚。 但 曾 一絲廠當 美 確 F 几 實 國 百 有 調 萬 四千二百 查 新 枚。 及 繭 之否按 日 Ŀ 夜 市。 開 萬 新 Τ. 前 枚。 絲 災美 消 而 狂 我 路 底。 暢旺 刮 國 調 今日。 僅用 查 之時。 世 日工 僅 界 有 紗 竟 錠子 者。 業 有延 日 狀 况之 **長工** 本 所見 人 百 報 11. 作。 五 至 十 僅 告。 萬 及 英 國 五

甚 不 願 一識諸君 仿 照 英 子 有動於中 成 例。 不 開 否 夜 予深願湖南第 不 識 諸 君 子 將 紗廠。 以 何 早日開 術 贊同 幕以便諸 之 峽。 研 究 君 全 子 國 就 人 近研究 口。 及 紡 乏而 紗錠

此

百

Ħ.

-

萬

中。

尙

被

日

商

英

商。

占

去

-1

---

萬

枚。

完全

爲

我

華

人

所

有

者。

不

及

百

萬

枚。

予

亦

某某 君憤憤然謂厚生紗廠以日本待高麗之手 至於此。 調。 之。不 ·段待湖南· 想也。 女工嗚呼何。 其言之沈痛。 而有

餘 几 衞 恨。 生問題 竟 此 予留美六載曾工作於紗廠矣機輪飛轉花絲騰 種 論 設 使聶 君 聞 識 作 若 何 之感 布。 而清花問爲 尤甚。

花間 情悅 生不 溫 衞 **進度依時** 生 间。 J. 機 目 作。 關。 上有 工廠中之衞 非女子 亦 調劑使之適 未嘗以 多 種 之布置。 能勝任故均係男工」然歐美 生但求廠 此 宜而已若住宅中之衞 種 職 I 一廠衞 業。 有礙 屋高爽光氣充足隨時收拾潔淨毋使塵垢堆 生。 衞 生而 未 能 以 停 住宅 生。在 止 其營 先進國。 衞 力求陽光充足空氣鮮潔之外。 1業蓋 生相 不曾以不合衞 例 I 也。 廠 如僅 中 之衞 就工 生。與 生。 廠 · 積以及 停辦 住宅 丽 言 衞 更 中 紡 在怡 屋 之衞 織 生。 則 内 業。

辭。 本 廠 故 在 予 ·甚望憑 構 造上已具充分之研究任 空立論者作實地之研究也且 何 I 程家及工 予 曾游煤礦矣入地數十丈不 一廠衞 生研究家之曾來參觀者俱無 · 見 天 日 空氣 異

除 阻 塞。 而 呼 封 別之兵禍 吸爲窄在礦穴工作之人。 連 车。 內 地 人 民之 渾 轉 身 污穢幾非· 輾溝 壑者。 饑不 人 類。 然素講 得 食。 寒不 衞 得 生之歐美 衣。 何 以 救 各 Ź. 國 在 亦 未 平 使有 曾 芟

而 己。工 作卽使不 盡合衞生不較諸窮無所歸之爲愈乎拯斯民於衽席。 固吾

藕 初 文 錄 下卷

職。 研 求 然 科 救 乏道 學。增 多國 至 不 家富 有 力 創 者。 辨 研 實 究經 業以裕 濟 自 多 衞。 衆 生計 努 力 蝌 者。 進需 有振 與教育。 要 出 品品 製而 增 加 力拒 各 人 生産 外貨之侵掠 能 力 者。 有

殊 途 同 歸。 愼 勿謂 紡 織 界拯 救 時 艱之主 義。 偏 落 諸 君 子 後 也。

便益。 子 五 有 一醫薬 之理。 女之義 周 恤 H 並聯 問 辨 務教育。 題 法。 絡同 此 外 本 1\_ 對 厰 無 器 於 不 毎 勤 院。 推 年 務工人規定 如有 行 夏 秋 有 素招 疾 間。 次 病 隨 流 延醫給 也。 工簡 出 時 數標準。 章 藥。非 送 去 中。 診治。 無 但 隨 \_\_\_ 在 :醫藥費 時 厰 獎給。 詳 I 一人受此; 列之必 义 由 厰 如 供給工 · 要 其 I 權 V 利。 (儲蓄之) K應募工 刨 人 附 如 近 人。 獎 居 有 勵 亦 民。 不 及工 斷 測。 亦 並定 無 受 人 歧 此

某某 對 開 惟 於 明 人發揮 涉 君 有 揣 志 亦 摩。 研究工業諸君 易 有 再 經驗 謂 失 書生 根 據。 丽 文章。 其不 公允之言論予 之期 發 不值價。 生真 望某某君借旁人 價 更望諸 書生 值。 哎 文章。 未 君 叫 掉 口氣。 子 知。 今日 頭 由言之時 以爲書呆子 不 賴 驗。 鳴 以 呼 代。 救 進 過 時 ·發表意 於行之時 艱 矣。 至 紓 國 理 名 思。 難 言値 代。 怕没 者。 惟 力行 望 價 甚 自 相 輩 在。

而

言論

愈生真

質値

也予雖

與諸

君子

未

曾

晤

面。

然深信諸

君子

均一時名彦。

對於國計

民

視

則

ग

釋

諸

君之

)疑慮

者

狀。 及 上。 將 來 厰 之真 必有 相 絕大之設施不識諸君子亦有志游歷全國各大都會悉心考求民生之現 否 乎古代名士大都徧 遊名山大川。 然後發舒其雄壯之言論。 爲 多 士 所

折 服。 今代名士: 除 徧 遊 名 山 大川。 擴 展 其 見地 外。 尙 須 對 於所樂研究之事業 置 身 局 内。

出 地 考 自 力行 祭。 然後遇可 除 裹。 旦 改革 大 者設法改革之不入虎穴焉得虎子古來大建設。 功告成述其經歷著爲巨帙海內外自 然爭先快睹。 以家大改革 紙貴洛 陽言 家泰 4

面之言論。 國 民 生活常 識。 及工 作能 力。 如 此其幼稚而 來資 年來頗 有 輩學者摭拾泰西 之糟粕僅作 片

之真

價

征。

固

有

如

是

夫我國·

人口

如此

其衆多工

業

如此

其

衰

微資

本

之結

合。

如

此

其

艱

難。

家。 與各 國 勞動家。 勞動問題之精義如 《比較之下於 所處地 何。 自有 位 史以 如 何。 知 識 程 本家壓迫 途 如 何。 工作能力及。 勞働家之手段如 其責 何。 任 心 我 國 如 何。 勞 祉 働

會 多 數 生活 之現 狀 如 何。 內 國 需要之度 數及自給仰給之 現況如 何概 未加以 詳 細· 之 思

而 惟 知趁快一時發揮不負責任之論 調。聳 人聽 聞以謬傳 診盛唱此自 殺主 義。 予 不

爲 祖 敢 忠告 國 實 業前 輩 學者。 途 悲 自 也。 今以 予 並 非資 往脚踏實地不向空際捉摸力從實 本 家。 深慨 平 我國· 質業之 衰 微。 處研 思所 水寧以行 以 補 救 Ž. 勝。 故 勿以 不 憚 煩

有机 文錄 下卷

勝救國愛羣之要道問在此不在彼質諸諸君子亦以爲然否。

#### 復錢壽格

昨日 深 故其花與實雖少分量雖無幾竟呈弱不勝重之狀而下垂美棉强壯而幹粗椏枝亦强 斜 有 强亦不能隨人意思輕下褒貶也美棉花朶霜爛普通人視爲詬病往往歸咎花朶之向上。 識。 力雖其花與實較大分量較一 轉狀。至近末梢處。竟呈下垂之狀者。亦往往見之。此乃生理上强 至爲 申報來函欄內載先生詳述種植美棉之研究知先生對於振興棉產非常留意熱腸 欽 佩美棉花杂向上並非劣種誠如 重而近幹棉朶往往挺然直立但離幹漸遠之棉朶漸 來函 所云蓋華棉瘦弱至於極點。 弱不同之關 極枝 係。 無 有呈 可勉 細 壯

陰

雨。

適

相

侵犯加之以種植較密葉茂且大陽光不易透淸風不

易通。

更加

之以棉

果

内之

而

並

未

求其真理之所在明積數年來實地之研究覺於天氣蒸熟之時花果開裂無情

花

核尙嫩花絲抵抗力未足則霉爛因之而發生矣故霉爛之棉果下層居多上層較少美

棉 如 中含何毒質不過天氣未涼花果稚嫩抵抗力未足加之以上述各節。 此華棉亦何獨不然諺云白露雨(指交白露以後若干日內)到一處壞一處。 致霉爛。 並非此 不然。

而

時雨 秋 分寒露期間棉實蒼老抵抗力强之日一 樣遇 雨何 以無大 變狀無何耗損 字試 種 美棉。

不能以一兩年間所遭之失敗而下定評失敗即成功之警報能逐步考求逐步防止成功 之期當必不遠夫移植美稿失敗之原因凡八請約述 如下。

耕鋤 太 淺。

溝淺畦平而出水不爽致阻礙棉株之生長。

種子不嚴於剔選及來處天氣熱度遠在移植處熱度之上者。

四 播種太遲(最宜於穀雨左右)

五 播種大密。

六 肥料示足。

七 工 作失去相宜 之時。

不 藕 注意害蟲 初 文 鍭 之防 下 卷

以 以 作 上八 補 或輟。 人 救 而 之念含 者。有 垂 爲開有志者事竟成古 成 一誠先賢。 功 矣。 短取長以力赴之不能 於此。 惟 其難惟 佛得 即足以致失敗着手 | 弗休終償| 其不 易 得 初願願與海 我欺 因 良 好之結 小 ,受挫折。 也。 試種既遭失敗當尋求 果故 内有心人平情以求之悉力以爲之精誠所 而遽 直 至 灰 **今**日。 心。 如 移 改 良植 植 其缺點之所 良棉。 棉 而容易前-方在 萌 在再接再厲。 芽 時 人 代。 蚁 先

## 致大陸報 社論中國移植美棉

金石

人不

昨 所 投 試 分 自 驗美國棉花不合於上 有餘當年是校棉場教授實地研習之師爲喬勃生君兒爲我中政府聘用供職京 函。 江 注 意。 陰 大旨謂肥 利用 良深 紗 欽 料 佩。 廠 明留 試 回 滬。得 驗 美 時 海 讀 間 時。 棉作之報告及九月十八號又讀美國著名花商羅仁 九月 曾在 須 長方能 著名 十 一六號貴報等 產 下 棉 准 確 晶 所登 域 之判決云云。具見外人之對 內之塔克賽斯農工 上 海 種棉 試 驗場之專家 再修 於 科、 幸德 研 棉 究植 種 飛 改 勒 良。 氏

兴收成 八敗之由於 知識。 か能 性能 具正 人永 央 **生**一棉種之成 熱 內 閱 者五棉田 寒暑 專 心 年 閱 加 也。 如 希 者。 種 之間。 之以精密之預防則此 歷 的有六端。 望 美 已足 書 國 之 經 棉。 我國移植世 等所立 未 中. 著名之洛桑 使改良 歷。 第 不 熟 頗 於施 有 至幼稚故 甚肥致棉株黃瘦者六溝道 有 不 四 時 差謬 成 之試 肥 期 百 進口 十六頁 槌 效。 關 太 界佳棉 、晚者三播 故於 驗場。 産家 斯 係。 者。 尤言簡 棉 也但玥曾於此三年 脱試 苟 失望 其年 實 項 內 種 至少期以十 之記 之一 之產 版 場 之 結果方爲可靠如肥料 驗 種 矣。 而 而 項。自 人 地。比 意 有 載其言曰施 太 久遠蓋該日 他明 一於施 遲。失· 賅。 不 允當 正當之天時。 移 問 年苟試驗期短促驟然 肥一 淤塞。 去 植 粗 回國後卽創辦實驗場於今已三 恰 此 實 有 奉 肥時 節。 綿田 項棉 好 經 場 爲 驗棉作狀況之經過 玥請 時 歷。 試 法 種之區 中 驗 間 期 惟 則 則 試驗期僅有 以其差認 毎 者 須 有積水之患者之六者 者。 未 引 回、 長 用 敢 也。 雖 久須 美國 質貿 種 播 域。 然吾等 之農 更甚 以 種 氣 《候之冷熱》 收穫不 史資 然以 有 太 年其所得 間研究 矣史 秩 緊密。 作 序施 專家 克 物。 試 准確之結果。 窒 君 君 歷 驗 閲 移植 農 此 肥 礙 相 自 所 五 之數較 寒暑 其 語。 作 者 著 中。 居 去 十 有犯 過 者。以 物。 肥 純 須 美 遠 係 有 料

藕

中國 凯 家喬勃生君曾致函於明茲錄其一節如左知美棉可以移植於我國境內也喬君云予在 國人之心也。 植短絲棉早結實之一種則其收效之良不更愈於此乎故明深信移植美棉苟種植之人。 畝。 力運精密心更持之以永年。征服彼偶然之不幸愼勿以偶遭挫折。而遽灰其心并灰吾全。 不犯以上六大端之一即美棉大可移殖於中國。然深望多數有志改良棉產之士。出大願 種美國長絲棉每株結果有二十五至三十枚雖北京天氣較冷然可 賢貿然號於衆日某也宜某也不宜島可哉九月五號吾國中央政府所聘用之棉業 愈久愈確知美國棉種能合於中國天時。 而有效驗農商部內在北京萬牲 以完全開足如移 園 有 地 數

### 致職業教育祉

夫職 至不 易而亦至無把握明以今日奔馳宦海明日浪迹商場若是者不得謂之爲有職業之 業之範圍至廣大徑途至紛雜倉猝投效至易含混未來變化至難豫料。 故選擇 職

勞其 曩時以土產立脚現時藉外貨營生若是者亦不得謂之爲有職業之人職業也者。 心智竭其知能日夜孜孜以從事於業務終身由之設非有萬不獲已之大變更起則 必須

斷 **愼於初步明於職業關係素所關懷。謹將拙見所及選擇職業之三大要點略述如** 乎未可改絃易轍也各個人之對於職業其關係旣如是之大且重故選擇職業允宜

不但事 職業須合於個人之性情 果當然與以上所云者適成一反比 华 功倍並能使其人安於其位歷久不變苟返乎其人之性情則其所得之結 人心之不同如其面性情亦然順其性而利導之誘掖之。 例。

忘倦 業前 職業須合於個人及家族之程度 程度及其所處境地之不同希望塗因之不同耳可知各人各家庭之程度影響於職 者。 途 有一 | 者至大亦至顯明。固不得扭於一方面。 刻不能暫留。去之惟恐不速者同一業而去就之不同竟有如 職業 分上中下數等同此職業有久於斯業樂面 而不顧其他諸方面 也。 此。蓋 人之

一職業 丽 所最 須合於社 渴盼者爲何種事社會中所最擁擠而最厭棄者爲何種人凡此中若隱若現 會之需要 吾人 生存於社會領確 知 社會之現狀社會 中 所最

所需要。 之關 之 但當事者限於資力不足以備舉卽舉焉而不切於實用泛言職業教育其結果或未 種 係而社 種 前 關係擇業者與育材者萬不可不熟思而審處然後能深悉何種人才爲 不得不戮力一 會受其利 益 心應時で 矣苟不問; 而培養之則社會與人才庶有相利相 · 社會實 **记**而買買 然早獻 二計畫。 一夕貢 賴。 種種 一方 略非 相 社 會 互

免此閉門造車。吾未見其有濟也。

務扼 **盪客氣所使役一意孤行毫無瞻顧卒至與職業場裏不相接近故玥以** 以 心 提 上三者淺而 要不 倡 則已苟實、 務泛應(下略 易明人人所了 心提創之則審察宜周立說宜簡隣障宜去主張宜一取應用不 解並非玥一人之見解第恐擇業者 與有 少為職業教育。 r才者被熱· 取鋪張。 血 不實 所 鼓

#### 致某君

某某先生鑒閱 九月十五日申報來函欄移植美棉之研究內述足下曾試植美棉兩 載。

鈴。 未 平 用 燐 均 酸肥料未得良 毎 株已 得 十 好 六 は結果本は 枚。 未開 年. 者。 重 毎 振 株 旗鼓施 平 均 邰 用燐 不 下 肥多量現場 三十 枚。 棉極 已成 熟。 碩 將 大 次開 而茂 放 盛。 己 云云。 開

悉足 推 諉 到 下 得 底。 未能 此 奇異之成 睹盛 児當時 績。 故 特 黄 派 盧 敝 兩 場 君。 實 殷殷叩 習 生 黄 問 本 足下 操、盧 果種 公勉、 美棉幾 兩 君 前 何答僅 來 參 觀。 種 未 識 五. 何 意。 株。

K 此 業 棉 社、 並 非 有何著名宅舍得 附 手 設 Ż 植。 託 糖 鄕 蘿 蔔 人 曹 盆 植 阿 慶代 場 内。 種。 遺 去答云地 盧 又 兩 種 君 請 棉 足下 之地 僻。 係 件 往。否 在 何 處。 則 請 答 跡罕至忘 在 派 本 人 伴 埠 膠 往。 均 州 未 路 某某 允 云云。 化

該處

附

近

以問

路前

殊荒

自己

亦

蹤

其

所

在

黄 世 盧 外 桃 君。 源。 借 無 從 刨 至膠 問 津。 州 足 路。 下 界 路探 有 意 問。 促 未得 進 棉 業。 其 姑 地。 鄕 作 此滿 人等 意之談。 誘 處。 未 導 社 聞 會 有 曹 平。 抑 阿 僅 慶 其 爲 某 人。 幾 類

業 社 出 品品 之消 路起 見而 謊 報 学如果的 有 此 成績。 應 任有志斯 業者之 參觀。 藉 廣 流 布。

 $\mathsf{H}$ 未 投 能 函 證 敝 實 社。 前 謂 言。 足 下 圓 所辨 提 倡 之某 實 業。 某 而 以 業 虚 聲誘 社、 有 之。鄙 燐 肥 見以 及 殺 爲 蟲 萬 藥 萬 出 售。 不 囑 可 足下 爲 介 於 紹。 敝 本 年 耐 月 卽 勸 足

·自己先 行 숦 用。 並 囑 寄樣少許由此間 試用如果有效自應力 助 推 行當時足下

四十四

於採 報告呈此盛況幾等踰淮之橘足下出品成分如何畝施若干ニ資幾何能否使農業界便 之盛況。及足下鼓吹之苦心已也,明曾留美研究農學多年。在美國著名產棉區塔克賽斯 省實地考察植棉專家於棉場中所得之結果亦不過平均每株共得開裂棉朶二十五。 大紗廠批發所轉下淡灰色灰狀物一小包業已施用由今日驗之並無如何異徵今足下 其究竟足下而果實心提倡歟知必有以慰吾人之期望者在也。 而已今足下報告爲 用且此項肥料是否自製在在皆須質問非僅參觀成績特異之棉產證實足下報告 世界產棉名區所得未曾有益使現不能緘默不言急欲向足下一叩 枚

#### 致某女士

作之條件據聞 閱三月十日時報新聞欄內載女士對於時報記者云此次德大紗廠與湖南 敘述,藉釋疑慮此次厚生紗廠招募湖南女工。一由黃君本操鄕土情長,再三請允赴湘招 頗爲苛刻一節僕以爲女士對於此事之真相答有未 盡明悉處故特 女工所訂工 專

募 人。 良 非 由 易 事。 僕慨念湖南第 放允黃 君之請 紗廠 求。 實行招募而 籌辦五六年尚未開工倫開業 生手 女工。每月工價 八元飯食 有期。 時 自 欲招募熟 備。 毎

作 時 間 1 小 ·時請得 暇實 地調 查。 苛待 與 ?否不難! 明 晰期 訂三年 者。 不 過 稍 示 限 制。 以 堅

應募工人之決 厰 開工 有日儘 心否則· 可隨 時 來 回 湘。 去隨意反滋流 則工作三年之約早已取消臨募時必須如是者。 弊但女工等到廠之始僕曾聲 明芍湖 係辨 南第 事 苦心。 紗

當 許。 蒙亮祭。 而 現 時 再 來 此 申 次 者 六 所招僅定額五 4. 四 人。 應募之 + 名。 踴 黄 避。 君本操等一 可 想 而 知。 僕僅 再發電。 招工。 請求 丽 間 有 加 學 額 生若 五 十 罕 人 具 自 名。 僕堅未 立 允

幼 稚 心。 按 堅請 其 體 力。 黃君收錄來申。然非僕招工之本願也謂來滬之先家屬並未同意。 不 能工作但本 廠 招工簡 章載明 應 募工 人須 得 家長允許年 齢自 叉謂 十 年齡 四 荿

歲。 以 體 力 强健 者 爲 合 格。 此 兩 項 究 屬 如 何黃君 現 在 申。 可 面 詢 也。 叉 長 沙 通 俗 報

任 確 女子 係 師 事 湖 範 南第 教員 何 紗厰 君 雨農陪同 開業時 女工 之爲難情形與僕無涉何 來 申。 亦可 就 近詳 詢 必代人籌畫自 也。 此 次僕贊成招募湘 尋煩 惱。 省 僕 女

過 然此 事 真 相。 自 應 使 大 衆 知 曉爲 此不 嫌冒 · 味 敦 請 女 士駕臨楊樹 浦 華德路德大里

有机 文 錄 下卷

四十六

或可 內 稍增閱歷則塞翁失馬安知非福臨穎不勝嘆息之至。 湘 少息嗚呼天下本無事庸人自擾之此僕之謂也自今以往僕因此次招募湘省女工。 工寄宿舍探明招工之究竟及各工人之志願並本廠之待遇續行宣佈俾悠悠之口。

# **致某君為風傳棉業借款事**

津益 收買 三月二十二日明因事赴津匆促不及晉謁以領大教歉甚悵甚二十五日車中讀當日天 落於日人之手,某氏將爲棉業大王云讀竟深爲駭異明等方以先生整理棉業不遺餘力。 在各省推廣棉業之用。某氏自去歲被委此職以來。西思借外人之力成立 日電云據聞(尙未證實)某局長已與日人接洽妥協設立一中日公司資本二千萬專爲 推廣棉產發達廠務以本國之資本拓將興之棉業偉大經營幾乎婦孺皆知其造福於民 中國所· 世報要聞內載某某大借日款說『收買中國棉 有棉 紗廠地步如果上說確實信如中國報紙所言某氏如不 紗廠]其文曰據路透社北京二十二 以實權與 一大公司以爲 利益。

國 前 途。 至遠 且大乃期望深 切之時。 忽來 此 種 風 說得 毋招 人之忌, 而 故播是說。 以 暗 相 阻

全國 撓 圍 情 耶。 國 勢。 抑 一人之稍 有 觀 望不 别 種 前 誤 有 會。 者。 資 力 亦 而 者咸 大 爲 有 此 欲起 聲 人 在。 東 蓋 圖 擊 以 西 創 () 爭厚獲其 之 辦棉業需資較 謀 耶。 年 組織完備開機有日者。 來 吾 臣。 國 規畫之初命 棉 業。 受 歐 益宜 戰 之 雖 賜發 審 愼。 不 少而惕 雖 皇 相 神 宜 速。 於四 地 震 動 點。

所 驟 在 得 都 巨 資。 有。 任 無 情 如 揮 內 霍。 亂 一嫖賭 頻 仍。 逍 兵 遙。 匪 視爲 堪 慮。 常 政 府 事。 股東 失 保 之付 護之能 託。 ·廠務之經營局 力官 吏存 染指 反 之慾 淡 然忘 心。 之於 也。當 是 乎 局 者 曾

受 利。 累 味 者 於 本 切 齒。 圖 罕 欲投資者寒心二也棉業之不 以儲 才爲 急務絕. 大 事 業託 之無 興由乎人才之缺乏辦棉業者义· 道 德 無 學 問 之司 事工 人手 (大都) 中。 弊 竇叢 狃 於近

成 效 罕 見。 三 一也三患未 去。 |棉業 雖 暫 時 勃 與恐三 數 年 後。 因 辨 事 腐 敗。 而 流 入 外 手 中

後 在 矣。 所 我 不 衂 免。 達 先 生 人。向 負 持 規 開 螿 放主 全 國 義。與 棉 業 之重 外 人 、共圖 任。 師尹赫 振 與實業。 赫。 民 具 原 爾 無 不 瞻。 賢 可。 然 明 因 如 我 先 國 生。 知 人 道德 必 有以 上。 亭 善 其

前 上。 此 辦 與 事 外 之 人合 能 力 資 上。 諸 精 事 神 業其實 上。 有 種 權果誰屬 種 之 缺 點。 哉。 旣 郎以 乏與 人 先生所經營之某公司言之當拳 競 勝 之天 才。 宜 平 在 在 落 人 下 禍 風 未 盆 作 問

類初文錄 下卷

四十七

陽 保 借 雖 救 同 之 業 者。 各 行 護 H. 項 款。 愚。 私 興 中 用 所 平 不 起見而 某國 信簽 質業。 亦與 尙 全 學。各 國 何 過 肥 係 國 也。 有。 周。 字 知 數 鳴 我 盡 而無專門人才此實業停頓之惡現象也非發展實 人 數百 政 已未幾亂言 之。提 呼誤 士。對 手 國 政 所 府 約將該公司 官 客。 續 長。集 萬 而 倡中外共同 資 希 矣。 於發展實業之熱 商 果 不 完備。 合 小資 金 金。 真 圖 辦公 心提 賤 事 咄 回 銀貴。 竟至 平 扣藉 嗟立 本具小規模。 資產完全售與 息 倡 司。 該 拳 發展實業之人開 敗 集。 實 便 此 係還 訴。 公司 匪 業 私 無 一發難 度。 肥蠢 現 待 也。 之產 款 在 外 煅煉其能 應 於沸點。 、款之接 之時。 該 時潰決堪虞該 先 國 業意 **运病**民徒增. 公司 、某國 調 查 H之。其亦有7 力發揮: 人。暗 全國 借款 乃不 之真 隨 濟 之而 也。 中交換 之時。 權。 事 刨 東 加 去。後 公司 使偉 全國 研 其經驗徐圖擴張。 究 西 究盲行 洋 政 動 在 於中否。 大工 業之好機會也實業借款云 私信謂訂約手 總 各 國 張 府 何 民之負 某 專門 無 理 人 業。 保 附 赴 張 手 (某受某) 護。當 某 學 和。 年來政府 H1° 如 (擔而 國 畢 先 以 礦 京 業 爲 俟 生自 產 局 確實 城涉 鐵 非 續。 稅 人 無 於振 昌言 此不 才。 信 務 知 不 路 之。國 收 過 訟。 等 使 用。 司 之愚。 足以 實業 效後。 興 創 因 合 實 辦 民

時

哎

不

能不

利用外資藉資入手然亦須得專門學家以主持之庶黃金不

致虧

耗實權不

更 致 何 失果爾則 引彼處心 積慮欲傾覆我國棉業之某國人共同發展我棉業 實 業 方有 振興之望然而 於振 興棉業國 人自優爲之則 耶。 又何必借 外資也。 其

决 場 展 日 業家之手 心 之棉 請專 自 力 逡 之一 夕孳 者。商 不 求 家之發達其事業 與 滿 出 日進 其 孳求填其 途。 野 人公共之戰場 此 足 他 求 也。 家整頓 段亦 社 **途**其 著名 於 明曾謂 會之願 心 逐 家之求發展 壟斷 乏工 類平野心家嗣後事 步 內 擴 無底之慾壑而雄 一業國 無論 也。 部藉科學之精 大之 望。 網 夫 也宜旗幟鮮明隊伍整飭而後可以永遠立足於不敗之地是以雄 恆以整頓 羅之私意大有此中無人予取予求任我 然後 一並駕 何 境界 其業務 國 齊驅 信用 何 項事 中。 內部爲前提。 卓立。 也。往 矣某國 ネ 業勃興人才輩出知此種手段之不能 心 神作商戰之利器於是戰 家 業。 觀 往出 皆因 貿 夫 雖 易日 則 亦 北 其不 具發展 有野 美洲 即以工業 不 昌其資 ·然卽以 心家 正當之手 實業發展 其業務之日 一場論。 棉業 及雄 力亦自然 ·段賄賂I 必勝。 心家 論。 之現象乎三 欲爲之氣 務侦製造精良成 彰 的。 攻必 日 在 明 其手 公行。 較 進 内。 明哲如先 克。 於雄 而 著。 十年 久持 段則 餌取 後能 概嗚呼可笑亦 力圖 而美國製造品。 厚。 心於是聘 (生吾知) 汉是夫 撲 前。 其 特 日 事業: 本輕減。 滅 別 進 我 國 權 於 黄 企 亦 商 利。

合明問 利 生者 可 於 憐 我國 之官僚俯首 矣。 汚 教之。 各 我 知 某國 棉業。 市場而後已明雖下愚願執鞭以隨先生後貫澈吾人實業救國之主張願先生 其必非事 棉 聽 面 命 業野心家之能 了實故敢貢 請 於人耶雖今日者鹿死 先生盡· 力整 ----得之愚效芻蕘之獻。 力腦 理 力果遠勝吾 全國 棉業。 誰手尙難豫測而先生 以及製造 人耶豈我國工 面明白宣 **品務** 使 商 對 外 布。 界亦如三 俾釋羣 7於某國: 來之棉 l棉業家: 紗 疑。 一數自 布 無 疋。 以 絶跡 之聯 私自 誣 先

#### 致 張仲仁

其

有以

論至爲: 業。故 Ł 次 釀 到 抱疚我國 京。 成 得領 令 日 雅 如是之政局。 今日最大之安危問題當首推地方自治因前此 教深爲歡佩回 。教育實業。 申 以後役役於工商業 愈無發達之希望禮義 未克輕離 廉 恥。 職守數數 地方不 防 閑 虚 英 故 克竟行自 到 相 京。 率 飫 治 聆 夤 緣 名 事

奔

競。

爲

喪失人格之事無稍

顧忌無自治之遺害一至於此今日救濟之方當以正

人

心為

期 同 深 風 良。 治。 於 先 發雲 軌 歡 望。 則 鄕 人 心 無 慶。 會 我 起力 以 以 益 蘇 滄 實 種自 非 離。 人士之愛鄉 海 常歡 失道 謀 現 涓 之 地方自治爲 流 慶 況 之 寡 故。 助。 助。 乎 非發達 我 心不後於各 此 不 親 可 錢 國 戚 各省 幅 係 不 畔 教育實 之。 玥 有 員 辛 以 先。 至 指名言。 省高 玥逖 表 廣。 苦 得 示 若 聴下 此歡 本 來。 不 會照 並 己 從 無 慶 非 風。 歷 地 之微意。 非 此 驗 方 有 光 常 自 進 人 不 定之欲發達的 明正 從 佩 治 爽 旁 用 服閱報章得 矣。 入 大之宗旨。 特 手。 勸 比 募完 聞 匯 政 治決 教育實 上 在 全 銀 京 無清 積 同 出 諸 干 極 自 鄕 鄕 業。 亢。 良 會 淮 先 明 非 成立 行。 作爲 Ž 心 生。 勿 望。 中 有 行 消 餒 吾 懇 見 政 地 切之 及 治 勿 江 怯。 此。 蘇 自 進

第 所 百 折 由 几 貫 爲 不 回 得 澈。 務 果 必 求 時 具 貫 期。 有 澈 四 而 造 種 成功之元 福 變 化 全省之主 之時 素。 則純 期。 第 義。 在 則 擎衆 乎非 爲 見 掌 常 到 以 時 肫 謀 期。 切 全省公司 之 第 願 力 爲 上。 發願 福 者當 種 竹 時 得筍。 期。 第 大 有 有 人 必然 爲 在 力 也。 者質之 行 凡 事之 時

任

座

以

爲

们

如。

精

誠

所

至

金石

爲

裂謹本斯意為

我江蘇同

鄕

會前

途

祝。

#### **致**吳瞿安

不啻爲 於發揚國 此 起任提挈歡慰正無限量兪君 **令**人一返念間覺此情景宛焉歷歷當前張君紫東之書蒙先生及劉鳳翁慨任校正。 來 者俾不 次到京期至匆促乃天假之緣得親道貌私衷慶幸莫可名言先生德學雙粹造詣 此次展拜我詞學大家作也當時時間雖至有限而殷殷指示之雅意則 學掖進 絕 如縷之韻學光昌 後起之至意至誠 粟廬因事過 有 日當此新舊學問發揮光大相互爭存之日。得一 **摯至謙抑至慷** 申因同 人堅請暫留歇浦途下榻於弟處晨夕 爽風 塵 中所罕觀背賢相見恨 至 代名賢。 無 晚 嘉惠 限。 深邃。

盤 其 超清與穠 勞俟 與紫 郁實爲 東先生接洽後即當從速進行崑曲收入留聲唱片以廣流通 一時勝事。粟先生因二公慨任校正大發佛學家見聞隨喜意願。 一節歲尾年

分

可實行 也。

#### 復某君

昨 習生若 意。 晚 於 何 足否而定之。並無絲毫私情攙入其間西諺有云世界不 者 日 弟 間 欣老之來意並 午得信悉欣老於卽日下午擬屈駕過舍面談弟以是時豫有他約未克奉陪殊深抱歉。 生存優者不 人 望族。 曾面拒之以爲 返舍見案頭有一 斯安敢出此卽 信其言之不謬。 干人陸續投效者已有九 年 少才 次升拔劣者隨時淘汰黜陟去留一 因 長某事已代爲報名苟能任 使日後爲國任事而國事 此 此種舊習實前代權要爲樹植私黨特闢此途稽諸史册比比皆是弟 何 具名 知欣老之來主 必以前人恶習阻礙自助之勇氣 □□之門生帖。 十餘人之多雖沿商業習慣有師 一動力固一 甚爲異之繼卽詢悉是帖係先生所投遂恍然 勞 蜩沸亦安忍出此弟 不在欣老噫嘻誤矣日前謝 苦將來自力 以本人之品性行爲合否及 問汝爲誰品 也留帖 1有立足 奉還弟素性戆直決不願 生名義。 只問汝能作何事。 地。 所經營之三廠均有實 少年 貴自 然物競天 君來所道達此 辦事 立。 弟 澤。 能 於 先 今 生 力

藕 初 文 錄 下卷

五十 四

爲良 之名訓事過卽了幸勿介介惟望前途努力是幸。 رياد 上所不願爲之事務請曲諒先生前此未甚知弟故有此舉弟一遵宣聖旣往不咎

#### 復朱叔源

並非 閱 + 陰棉爲最優然洋種業已變劣絲雖細軟而長度已甚短故此兩種花用途相近僅能紡二 時 細。 十二支線每天出數二千磅其棉花均由美國運來於此可知原料不改良製造品斷難精十二支線每天出數二千磅其棉花均由美國運來於此可知原料不改良製造品斷難精 故弟 本月二十四日申報來函欄先生致弟之函敬聞命矣先生辦教育事業成效卓著且隨 四支紗襪廠及布廠所用者大抵三十二支與四十二支雙股線此種股線均係舶 注意時局 陝西之洋 效果但正在開始推行。尚未收何大效於此可見改良棉質之不甚容易因難故遲遲 於民國三年回國 關係地方實業熟誠公誼至爲紉佩按我國棉產以陝西之洋種及我蘇之常 種花所造 後投身於棉業界第一件 心華商紗廠中僅弟所經理之德大厚 事即着手改良棉質迄今已五 生兩廠紡三十二支及四 一年矣雖 來品。

意

有

遠。 產 一个待吾輩記 至敝麽 地 直接選購勢不能不從駐滬 所 出之線。 起而任之。今日爭存要着在乎各方面實力奮圖進而不已慰心之日會當不 比日 本藍魚牌之線確 外國棉花 有遜色處。 商手中買 但 進其吃虧處概 最大原 因敝 廠用數無多。 可想見具以 我 不能 國 紗 向

業。 與 已 能 暢行 日 本 | 紗業較| 無 阻。 而華 日本進 **商進口之棉花及** 口 棉花。 出 口 出口之紗線。 紗線皆無 税。 均須完納正 到 中國 境內約納百分之二之稅則 競。 擔重 則工競難原料

次則 言。雖 然敞業 工競叉難故稅 中人對 於 則問題不改良或 推 廣廠 務。 無日 不 內國棉質 - 竭盡心力: 不改良我因 相機 進 圖。 國 本年 永無發達細 內。 君雲台榮君宗敬、 紗之日 可 以 斷

劉 之 陸 君柏生及弟等陸續向美商慎昌洋行 續 添 出者方興未艾諒 先生所樂聞 也弟等廢弃 **訂購美** 國紡織機器已達十四萬枚椗子而 務倥偬出貨 上倘 有缺 點。 深賴用 戸隨 新 廠

時 知 照。 先 生 熱 心棉業。 對於用戶多接近機緣旁咨博詢得有缺點卽請撥冗惠教俾圖 改

良以謀永久之抵制。

# 致某君爲浦東設電車公司

閱 亂救貧莫急於振興實業振興實業。莫不以便利交通爲先務蓋交通機關能將本地實業。 在案我國年來。受南北交鋒之影響貧民生計困苦極矣盜賊充斥地方受害者深今欲弭 發宏願籌集巨款先從交通著手將來事業有成則地方人民食閣下之賜者爲何如也閣 其餘 綿密尤足令人欽佩夫旣云華商電車公司則洋商之不在內可知旣云讓出二百萬元則 股以示利益均沾云云更覺閣下廓大爲懷讓出五分之一與當地紳商藉免反對思想之 手續之第一條該公司資本洋一千萬元現議在資本額 下以華商資格集華人經濟起圖此業造福社會安得不傾心拜倒乎報載閣下所擬進行 日報 求新廠承造鐵軌由漢陽兵工廠製造已先付材料定洋一百萬元則此事之正在積極 萬象苟以正當手段出之而 悉閣下有浦東華商電車公司之組織集資一千萬元訂立章程稟請交通部給照 萬 元業已凑集可知既稟請交通部立案則公司章程早已訂定可 此包羅萬象中之芸芸衆生不知受幾多之實惠閣下大 內讓出二百萬元歸當 知。 電 地紳商購 車

#### 其二

接奉二月十五日復函得悉先生於去年曾擬發起浦東華商電車公司嗣因知難而退讀 實業故對於先生等熱心提倡實業之人。極願識荆俾資聯絡而便進行敢請詳細示復 動的有人邀請發起係被動的未識此兩種發起孰先孰後蓋一千萬元之資本決非一二 人所能擔任。且曾經一度之考察則其事之着手進行可知先生所擬共同發起者爲何許 二月十八日各報所登尊函則云上年有人邀先生發起此項公司惟先生自行發起係自 人而邀請先生發起者又爲何許人事關主權跡涉曖昧爲特再請撥冗將前兩項原發起。 人姓名職業住址宣布以釋羣疑時隔無幾當不致遺忘也況當地紳商甚願開拓浦東之

## 復廣西譚督軍

頃 深 民 無 極 生計。 火 進 所 由 計。 行。 熱 滬 爭。 之 登 蘇子 惟 局 莫如 在 高 中。 轉 今 所 到 振 有 呼。 옑 必 南 興 云。 電 質 萬 饑 爭 北 者。 業。 山 兩 而 通。譯 生存 相 死。 響 不 應。 讓 誦 問 步。 收 如 之餘。 盜 題 和 效 現 議 宏 時 耳。 而 敬悉種 生存 死。 遠。 告 治 成。 重 可 亂 或 惟 以 要 何。 之 能 豫 切。 衣食 期。 國 源。 如 叉 存 願。 內 下 亡之 是也。 欣 紛 風 争。 逖 幸 鍵。 望 故 聽。 爲 何 時 今 刨 極。 無 己 實 此 大 日 任 人惶惶 片言。 業。 欲 帥 繭 蘇 馳。 軫 己 民 念 玥 萬 困。 嘗 п 民 謂 莫急 最。 立 生。 衆。 人 振 決。 提 無 惟 倡 H 於 车 與 籌 棉 注 在 不 劃 世。 在 產。 重 產。 4 A 本 積 水

約 大 屬 約 發 展 栽 风棉業之 棉 尙 屬 根 相 本 宜。 要圖。 達發 前 曾 明棉 由 彭 業後 種。 君 筱 峯、 起。 經驗膚 **返期**。 電 委 採 淺辱 辨 常陰 承 棉 下 間。 法。 種。 已於 敢不 竭 上 效。 星 誠 期 奉 一告貴省雖 運 港 之交。 轉 到 稍 南 寧 偏 僻。

民

生

而

我

國

至

而

至

有

希

之

以

棉

爲

棉

尤

實 期 内。 歷 防 年 参 内。 定 雨 水。 叫 多 送 雨 之年。 屬 收 播 數 乃 不 致 減。 拙 著 植 荷 棉 能 播 改 良淺 種 得 說。 定能 聞 已 復 收 即 數 惟 Ŧ 夏 分。 秋 頒 發各 棉 處。 花 藉 結

資 考 節。 鏡。 拙 見 日 內 不 IF. 如 專 在 豫 植 備 敝 種 優 場 第二 良 種 期 子。 緣 報 種 告。 類 俟 \_\_\_ 多。 出 一當 刊。 即當 開 花 結 郵 呈。 宵 期 藉 請 間。 雌 教 雄 IE 花蕊。 至 徵 求 因 之 各 省 雜 亂。 棉 致 種

有良 種 變劣之虞近時歐 美植 棉名家經多 年 苦 心 ·考驗持此立 主張 甚 力常陰棉 種。 爲 我

# 復上海某某聯合會

自英國. 閱 爲 本 爲 辨德大厚 與 無以 向 報 事 紗廠購 振 無 廞 得讀惠函。 興內 爲 實。 再行答復之必要繼念諸君子熱心國 中 勸。 回英美語言 容 不 生豫豐三紗 有未悉爲特不嫌辭費藉釋疑慮倘亦諸 國棉業根本 紗。 相 於是有公正 有密切 交易杜 昨自 鄭 誹 雖 關係故僕並未開設紗號旣無紗號開設與日 廠。 之圖繼因改良棉質非設立花行特出善價收買 同。 州 謗 花行之組 回並得覩医 然不 而 回 國 淸 之第 能不 界 限。 織。 原函敬稔 得德 一年。即 辨明 藉 以 大厚 之以昭實 尊 事奔走 重 組 壹是敝同 一商業 生董 織植棉試 上之道 事 在僕回國迄 君子所樂聞 呼號冀達最後之目 會之許可 **、驗場提倡** 事 德。 張 與 可。 君業已代爲答復言 始行開業! 乎。 僕 推廣 相 人交易事當然不 識 曾留學美 (改良棉花) 1的對於僕 植 者。 五 棉。 類 行 閱 皆 中 並 知之 所 改 年。 國。 則農 良棉 陸 簡 收 來 年 生間 C之花。 紗 來 意 續 函 倡 所 民 質。

糷

初

文

錄

F

粉

五十九

僕 七 細 插 医云 足 不事調查買買然登諸報端。 餘。 紡織 業發展之本意相左乎自 布 機 由 業 同 中。僅 千二百 業 中傳出又曰不知其詳不敢遽斷 五. 年 乘。 耳。已 往 開工 直 前 妄加月旦諸君子 者有錠 之精 來。 神。 難 子 六 保 萬 不 枚。 因 其虛實但按諸事實。 心誠熱矣豈不 布機 此 而 四百 遭 忌。 (好結果諸) 諸 乘。 ·使志士 定 君 子 Mi 聽 未 固非真消 到 灰 **忌者之言不** 心。而 者。 紗 與 錠 息 期 也。 尙 望 加 第 有

納 內 動。 平自五 愈爲 國 實 全國 一四盛唱 所 抵 注 制以 視。 以敬之重 來僕以廠務羈身不獲追隨諸君子之後然撫躬自問所抱愛 之因敬之重 五. 四以 得此民氣 之。 故 不 伸張 嫌 唐 突願 之良 進 忠告諸 君子 君 子 亦樂於採 論 國 舉

熱 此 誠。 短 時 何 期 敢 稍 中。 已訂 讓。 五 四至 購 紗錠 一 个 僅 七 七関 萬 餘 枚布機 月。 因 中國 一千二百 一紗錠布 機為 乘。 各 製太 方 奔走 少。 且 集 般定 股線皆係 機、 購 地、 舶 建 來品。 故 於

而 君子 罷 課、 演講、 遊行發電焚貨、 之外實 行 抵 制 者 有 幾 何。 此報 抵需要上之缺乏耳。 章 披露吾亦 愛國 者

兼程

並進。

日夜孜

**孜**責

《無旁貸無:

他。

惟力求

實

際

的

增

加出

數以

之永 久 試問諸君子屈指全國 抵 制 一之方法君等 中振興實業如僕進行之速者能有幾人不但此也僕深慮日 亦 曾 研 究及 之否。 但 諸 君 子 在 求 學時 代實 行 抵 制。 確 非 其

召全國日 各報 用百 循。不 熱心 良 注。 辦實 之地 培養毅力。以求有用之學問而立他日建設根基第二千萬勿謂除諸君子之外。全國 故 11/2 對 貸之缺乏由於各小工業之不發達各小工業所以不發達由於缺少金融機 上 刊布諸君子亦曾寓目之否現時我國人之最大缺點卽不明事理是也今諸 者第三宜多發表積極的獎勸的文字勿發表消極的攻許的文字而輕易使 有勸工銀行之組織諸君子曾知之否勸工銀行與各小工業關係之論文一 可謂非今日之急務也尚有要者數事敬爲諸君子陳之第一除熱心外須刻苦動奮。 業者若干人撫今追昔不知淚之所從來深望諸君子刻苦自勵爲國尊重不使僕十 位僕甚愛諸 □等同志會矣慷慨激昂不減今日爲問今日作循吏者若干人興教育者若干人倡□等同志會矣慷慨激昂不減今日爲問今日作循吏者若干人興教育者若干人倡 經 抵制日焚貨日絕交等種種名詞然抵制自抵制焚貨自焚貨絕交自絕交。 濟上國際 君子因愛之深故言之切而不覺其辭之率直也。 上之關係種種不同宜分晰之宜舉其利害解釋明白。 干 五 年 前僕 |使全國 亦 篇。 君子號 犯 與聞 有所 關 他人 中間 曾由 之挹 無

五.

年後仍灑个日之淚也。

#### 致某君

爲己 遺墨。 飽嘗 富代名流多通聲氣交游之廣實爲希有背李青蓮以傑出 聲價十倍先生所遇 接讀二月二日手書並駢體尺牘一卷業已收悉展誦之餘深佩先生才度超越海 弟 才願竭縣薄但未悉先 熱 朋輩資助者已得若干 植 世 及先生遭遇不勝起今昔異致之感也曠觀我國名流身處要津不知爲國惜才惟 心 味知痛 則有 權。 庸庸擾擾等於一邱之貉宜乎李韓作合故事成爲于秋絕響也先生倦游歸 完餘實力則不 心於文字無靈盆恍然於自立之道 色者奚止一 不 足。對 數如尙有未盡接洽定妥者請分別接洽後明白示。 生游學究竟抱何 荆 於先生游 州而今之大人先 學 主旨研 事。 雖 抱成美之微願。 究何 生輩巧 矣此聞先生有志壯游弟敬 種 才吐氣 於周 科 學准備留學幾 旋。 但大部分私財早爲捷足 於荆州 吝 於汲 引讀當 之前。 時除保 知。 慕先 俾 登龍門。 知適 代名流 内傾 夀 生之 險 知 來。

者

所先得耿耿私衷知必爲先生所鑒諒而不妨率直述之也。

# 致總商會對於改選問題,之爲論

頃讀 選當局苦衷本應曲諒惟商人素重信用而信用之充分與否全視辦事之合法與否而定 會長之權深滋疑慮玥旣非會董叉非會員本可不必顧問且商界人才較少會長頗難 省事務所抄送覆廣州總商會函末謂右列任滿會董雖不連任仍可當選有選舉被選舉 生兩 舉會長之權利。二二設使二次任滿之會董依法應享有選舉被選舉會長之權利則又發 之〔一〕會長由會董產出。二次任滿之會董旣無再進行被選會董之資格是否仍享 之苟悖於法。信用亦因之而破產影響於商業者甚大惟玥素昧於商法貴會此項通告之 合法與否明未敢必故有疑問三則請解釋之以釋羣疑並以供富於商法學識者 一次任滿之會董俟會長選出依法退出後另行推補而此項推補之會董設使下屆不當 疑 任滿會董仍可當選之通告之根據參政院議決商會法並中華全國商會聯合會發 點(甲)此屆二次任滿之會董是否享有三次選舉被選舉會長 之權利。  $\widehat{\mathbb{Z}}$ 研究 有選 此屆 其

選。 外。另 選舉被選舉會長之權利〔三〕商會所依據者是否參政院議決之商會法或此 有可 此 項 以依據之各省商會事務所函稿公等爲商業重要份子。商法素所研究務請明 推補會董之選舉被選舉會長之權利是否剝削盡淨抑或准其下屆額外 項商 授以 會法

州總商 以示人。藉增商人之智識事關公益。乞弗吝賜教爲 詳 接奉六月五日覆函對於六月四日各報所登關於滿任會董仍可當選之通函引證部令。 並 任滿 值 教爲幸〔一〕貴會六月四日通函僅引證商會法第二十三二十四兩條及贛事務所 三月間及民十六月間農商部及大理院對於商會第二十四條解釋之意思而於書面上 第 細指 未引 之會董雖不連任仍可當選有選舉及被選舉會長之權云云而赣事務所之該函亦 五 證 屆 會函該函末謂施之實際似均可行按之法規亦無違背等語而貴會續云本 示啓迪愚蒙深爲感佩惟玥素性愚昧覆函所示各點尚有疑竇茲再臚 選 民 舉卽援以爲例所有二次任滿之會董十四人姓名開 十大理院之解釋故鄙見以爲六月四日貴會之通函雖貴會長 荷。 列於 左。 海 者 有根 陳。 右列二次 · 據民 仍請 致廣 會今 賜

會覆涵。 民國 則確實根據發事務所致廣州總商會之成案此不可不聲明。以昭實在二二六月五 蓋會長 殊。 職 選定者亦應照此辦理以歸一律而免爭執。圖見以爲貴會長對於此項部令實屬誤解。 於改選之時所有會長副會長與會董職 內所引證者不甚確實也〔三〕覆函承蒙抄示農商部部令「會長副會長與會董名稱既 字樣並請檢查上屆選舉票及查選舉會長後退出者何人推補者何人則可曉然於覆函 二次滿任會董之一。確未見有此項同類之通告且並未享有選舉會長後退出之權利。 務權限亦各不同依商會法第二十四條之規定其任期當然不能合算嗣後各商會 + 奥 一年選舉會董名册內關於滿任之會董姓氏上蓋有『二次連任照章停止被選』 內謂上屆選舉亦循例發有此項通告諒先生亦所記憶云云查上屆選舉時明雖 會董職責既殊權限亦因之而異其任期當然不能合算故此項部令注重 任應即各歸各算從前有因合算爭執尚未另行 於各 日貴

歸

各算

一語夫各歸各算一

語鄙見應作如是解釋例

如第一任滿

會董第二任爲

會長第

三任則

並無違背第二十四條只能連任一次之限若會長或會董接連兩任則當然受第二

又合法被選舉爲會董第四任又合法被選爲會長如是遞嬗卽至一二十任仍屬

舉之權 忍以 日之通 之。則 事 命 二十四條之規定卽使選舉後退出而違法就職之咎豈能避免故鄙見以爲貴會六月四 有恶於公等也務請 四條 多 脈其解釋實不容有所朦混故明之曉曉不已者實希冀爲商業上有所裨益而已非敢。 會董於選舉 此 故影響於凡百事業者甚多貴會長身當其衝苦心支持至今日地位。 之約 利 函實抄襲贛事務所之成案而並未與農商部部令及大理院之解釋符合者也。 項 也。 紙 即以 東不能 上空文有瀆清聽惟貴會爲全國 選舉 之前必須正式就 藉口於會長與會董職權不同而二次任滿之會董仍享有選舉 将玥所歷舉之各疑點。 法而論之。夫選舉之有效 職所投之票方能有效會蓋既已就職。 再行悉 觀瞻所 與否全視選舉人之資格合 心討論續行賜教倘 繁而商會法爲保護 仍 良非易易。 及維 則顯 有 疑 法 義。 然違 繫商業之 與 請 否 即抄 朔安 背 被選 呵 國 第 定

### 獨明個人已也。

其三

非

錄

此

項

往

來函

件呈請農商部及大理院解釋之以息疑團則

全國商人皆將受公等之賜。

日前聆教快慰無似關於選舉解釋法律問題現份有疑義茲用貴會語氣代擬 稿。送奉

祭閱即希呈部實紉公誼。

商部 果論理當無疑問。但玥等尙有不能已於言者卽查商會法二十四條立法之精神該條規 爲 際。 會董尤屬毫 任之會董依法仍得再行當 再請 定之本旨完全為 被選為 始則請示於農商部旋又解釋於大理院及至今日雖以大理院有統一解釋法令之權商 曾選舉已 附擬呈稿 《初未計》 兩 叠 事商會法二十四條祇限制會長會董之再行連任權並非限制其再行被選權故連。 大理 次批令又大理院 會董並得互 及因 院 可 確 無疑問云云推其解釋之意仍 重行解釋然今日之所以重請 大 遵部 **「該條但書規定之結果致辦事** 理 任期問題加一 院鈞鑒據本 選會長如被選爲會長後則連任之會董當然應選會長一無問題但 **令及最高法院之解釋辦理** 統字一五〇九號解釋子丑兩 選當選後並得 會前會員穆湘玥等函稱貴會本屆辦理選員係根 但書尤完全爲 不外乎部令之會長 加 解釋者因有下 手 入互選當選爲會長至連任會長之被 糭 限制任期之問 又何至生出 上發生種種 說中從丑 列之疑點連任之會 疑問。 題。在 之疑點以是全國 會董任期 說即當 而 仍不 參議院當 能 選與連任 各別計算之結 不 董 函 時 議決之 請 旣 各 全然 得 貴會。 商 仍

爲會長。 互選 格無資格 被選即當就職。 明時得以票數次多者遞補又同 退出會董究竟 否之決定查商 **欢會董時,就任退職之手續份無明文規定不免生出多少之誤解緣連任會董旣不受** 條之規定係僅僅對於初任或一 任。 尙 三次被選之限制則三次被選後卽有應選與否之問題如不應選卽不能取得會董之資 未 勢不 间 之後而了 時 取得島得加入互選否則連任會董因法律上之限制不能三次受任則勢必不待應 面 能 刨 仍須退出會董之故姑不聲明應選以視互選會長後之結果如何再定應選與 不 有 而加 受細 不得被選爲會長時則連任之會董又當然受本法二十四條 違反本法二十四條規 如逾十五日之時效而不聲明者卽失其被選之資格細核本 會法 此種連任會董之互 入互選於法似不可 則五 施行 六兩條之影響總之連任會董如互選在應選以前則會董之資格 細 則第五 次連任之會長會董而言若於連任之會董仍被選爲三 則第六條會長會董被選後得卽就職依此則會董一 一條當 解。 |選是否在應選以後而後加入互選抑因惟恐不 定之嫌況應選 如爲鄭重 選人接受當選通 互選起見而姑聽其應選則 受任。 既有 知後逾十五日未有就任之聲 十五 日限 制 明 但書之限 文。 細 應選 則 則五六兩 互選 被選 制應 刨 蓮

選而 細則而 長此 會董而實質上不啻已執行三次會董之職務旣執行三次會董之職務與三次連任何異。 違法被選之地位玥等萬不敢因部院創設 是無殊乎隱然取銷本法二十四條但書之限制連任會董依論理解釋之結果仍復處 論 情呈請大理院再爲確當之解釋使全國商人有所遵守等情到會爲此據情呈請大理院 在解釋上總覺連任會董可以次三當選而不能三次受任似未免太無根據明等以施行 如 先加入互選待其不得被選爲會長後而再宣告退職則事實上雖僅爲三次當選之 何 不改使本法二十四候立法之精神始終不能貫徹且於施行 解釋上決不能不認為有 解釋本法二十四條卽世所謂以法律解釋法律殊覺實體法與手續法之規定無 種 觝觸或違反之嫌。 一各歸各算之解釋而任令全國商會之選舉。 以此原因用特函懇貴會迅 細則五六兩條之規定。 賜據

## 復陝西馮督軍

核鑒并賜重行解釋無任感荷上海總商會叩印。

模初文錄 下卷

八

月六 日。由 鄭 州豫 豐 秘廠轉. 來 大 札一件展誦 之餘欣悉上 大 軍 **一到處所**。 向 披靡。 地 方

軍從此 之憂黎庶路雲霓之望捷音遠佈薄海歡騰八月二十五日大總統命令任將 萬 家 《生佛造福] 三秦回 一溯前 日某氏蟠踞此 北邦之日。 吸脂膏以病 民植 **鷺栗** 軍 爲 陜 以 禍 西

國。 匪 徧 地。 遠 商裹足 不 · 敢前。 旱魃肆威老弱傾 生而 莫救秦· 人 如 此 困 狀雖越 亦 代 抱

計。 憂 莫如 **預焉**何幸天心厭 利 用工 兵。 禍屛貪夫而迎福星今昔相衡奚啻出漆室 無所事事之人興築馬路以便交通交通便利則 而見靑天也今日治陝大 土產易於輸 出。 Mi 農

棉之感國力 業自進機件易於運 丙尤 **、基陝省宜棉出** 入而工業自己 數且倍於湘鄂渭河流域所產之棉尤馳名遠 昌匪類" 、難於匿跡。 而商 業自 [典並宜 獎進棉 通惜七八年 產 世 界 有 缺

棉 農民 聲 價。 因之墮 受秕政之累不遑寧處! 落。 不得 不 急圖 補 風 救移 聲鶴唳流離播遷種作不措意而棉質 植良 種。 方面 獎 |動植 棉。 方面 禁種 乃日趨於 黑 粟。 悪劣陝 其 種

需 用 美棉 田。 改種 種 洋 若干望年 棉 者。 特獎之。 內早日揭數示 植 棉 改 八良淺 知俾便早日豫備免播種愆 說。五 一版已 一罄六版甫發刊。 が期。 即 出 叉陝 即寄 省 奉 皮貨馳 也。 明春

海 内外亦占出 口貨 中重要地位鞏固原有之生涯增進遠人之信向則畜牧業之提倡

黍、 《菸草苧蔴。 勵。 實 未 可以稍緩查陝西農產品以渭漢兩流域爲最富北爲高原遍植 按 粗 袋細蔴製物 、 葛境 。 內重 婦。 可 使生 利。 渭 河 附 近 平 麥豆高 原。 則 產 粱、玉 物 尤

除 外 原 **州之椶櫚**。 金 上 述 源。 尤宜 各 物 外。第 以 積 及紅 極策 特產 棗 進。 又漆 橘柚等多種果品。 爲 棉。 樹、 桕 樹產 如 前 量 述。 赤豐故陝安 內 餘 則爲 中 如桑蠶、 米 省 茶而蠶桑之利 製漆 **柞蠶及茶葉**。 製燭 兩 亦溥。 大利 業。 馳 名 所 全國。 在。 外叉盛產 殊 此 能 外 吸 收 如 潼 海

進。 關 於 待 錫 器。 舉之有望事業陸續振 之倉養 赤 水 竹 Ï. 一均爲 麻、 著名 畜、 興。如 作 物。 大宜 先哲管子所云授 輸以新智放。 之府順民 有德、 厥故 心、 安舉凡] 以措國 公於不傾之地。 原有之 生利 務五 事 業。 穀、 力 使 以 積 精

長。 以 不 使民 涸 於不爭 桑 之官嚴 育六 刑罰、 以藏 以 使民 於不 遠 竭 邪信慶賞、 以 使民 以下令 効 忠量 於流 民 水 之 力、 源。 使 事 俾 無 人 不 民 成。 各 盡 不 强 所

民以 所惡使詐僞不 ·生不 · 苟 取 一物使民 無怨 心不欺其下使民愛 |戴此寥寥數言施 泛任

何 承 域 而 垂 問。 有 未克 效。 施 之今日之三秦其奏 有 以分身機會敬當趨前展拜藉伸賀悃並以 何 貢 獻。 111 縛 重 效 重。 之神 不 能 速可 遽 離 無待著蔡治 職 守。 雖 私 惟 衷 擴 將 耿 我見聞· 耿。 軍 向 其 (圖利 往 時 之明 深。 而 政 草 年 草勞 也。

瘷 初 文 鎌 下 如

但一

得可

参觀仁

### 致白鎮守使

識之小 要於所屬東海沭腸赣榆灌雲四縣境內築成 閱 念吾國今日之惟一重要問題莫如生計問題。欲解決生計問題必須振興農工商業欲振 犯法 興農工商業必須開闢交通其義至明人盡知之然知而不行與不知同彼爲民父母之民興農工商業必須開闢交通其義至明人盡知之然知而不行與不知同彼爲民父母之民 官所不行此其足以令人仰望崇拜爲何如也夫爲盜爲匪者豈其天性樂於爲盜爲 政長官有應盡之職務尙多視官守如傳舍不能盡力治路而鈞使以軍 抵皆迫於飢寒困於環境地方之交通不便則實業不與實業不興則 於舉世昏昏之中獨見其本治軍之暇躬往各鄉鎭勸諭團董鳩集民夫將經行各路一律 本月十九號申報。見有蘇省海屬築路之成績新聞一則藉悉鈞使鑒於便利 則 民飢寒交迫無術謀生餓死事 死 在旦夕犯法 則尚 可偷苟延之殘喘此正蘇子所謂饑而 小贵能爲此輩言之有不 省道縣道三千 餘里捧誦之下不 鋌 死。不 而走險者幾希 生計困難。 如盜 人 而 能 而 交通 勝 死 行 矣蓋不 也釣 般 民 欽 匪、大 無 政 佩 使 知 長

謂 費。 民 活費 此。 典 無 國 國 地 | 摯寬平使汽 受 內往 道 平。 此 成此三千餘里之偉大路工設非鈞使關心民瘼不辭勞瘁妥爲 利。 地 旣。 賜 後 倘 有生計 路。 利。 而 高。 各地 無窮。 使各 尤須進 四 又希望各地軍民長官同時並 來亦得通行無阻不致再有隔閡之弊爲利之溥寧有涯涘此玥所以敬佩鈞。 縣 生計 即迫於飢寒之人亦從此易於自食其力化暴爲良佛說功德無量。 軍民長官咸能以鈞使之心爲 人 地 而 民因 主 車可以通行又復時時循行其間親加慰勞乃得以至短之期間至少之經 愈難。 無 產。 步 教育則人民於飽食煖衣之後難免有踰閑蕩檢之行因交通 交通之便利。 非振 勸 不 [輸當] 但易於運 興教育以增進人民之生產力則不足以收交通便利之實效也。 地 人 八士振興教 易於將 輸。 而 舉者也尤有進 且運費低 土産 育培 心則 輸出。 養人 廉。 可於最短期間 易 貿易得以 (才有地) 者鈞使既爲所屬四縣開闢 於 輸出對外貿易。 利 發展。 內不需鉅大經費築 而 佈置善加 生計當 無 人才則 可 以盡 可 勸 不 漸 漢 曷 克 便 能 量 其鈞使之 裕。 利。 善 發 交 不 使於 通。 則 成 但 展。 用 낈 良 全 生 其 而

#### 致岳

而

藕 初 文 錄 下卷

豫 幾 曡 省 遇 何。 官席之區。 地當 兵 災益 中樞。 以匪患遂致農者輟耕商賈枯 竟一 交通 變而 廣達民 爲 貧 風樸厚農產豐盈苟得善治富庶之區 、瘠之地 矣言念既往能勿心傷。 守工業罷作行族畏途老弱 今者戰 血心奈連 事 離散死 告 年受 終。 民困 门一者。 時 方紓。 事 影響。 知

得吾 試 嘗 論 闡 定國 公督 資 生。其 莫重 師 是邦鎮 〈術無他利。 於吏治安民端賴乎資生蓋吏治整飭資生多方而國不治民不富者鮮矣。 撫 金融。 中原將 。 興實業通 。 出以 生聚教 運輸 養。 而 已然欲謀豫省之利當以掃 裕 國 通 商之策。 利我 民 而 慰 其 除 西 喁 隣 喁 交通 之望 之 也。

障 生農產中主要出品厥惟棉花每年產額約在百萬擔之譜每擔以三十五元計之當值三。 礙 爲 始。 否 則 富 源 閼而 失其交互之益。詎能獨 收其 利 乎考陝省 地 近 西 陲。民 依 以農業爲

及 五 百 運 萬 元。 輸 去秋戰端 阻 而 棉 銷 一開豫西路 滯。 棉 銷 滯 路 m 塞。 價 格 今春又不 廉且棉 幸而 商 [裹足貿] 有劉憨之 易停頓農民 禍。 陝省棉 採 花 去 之輸 秋 棉。 出。 猶 藏

足。十 如 閱 施 月而 肥。 影 響又 未 能 及 貶價易錢其窮困之狀概 於新棉。 本年 產 額。 必至 短 可 ,想見現又立 折。 種 種損 (失)何可 (在植棉· 勝計。 之期肥料培 棉 產 如 壅。 此。 在在需 餘 可 類

此以 /運輸不 通將制陝人之死命者也至豫省之利首推商業隴海橫貫京漢交叉貨物

民。 往 治 陳管見敬乞垂察施行以爲資生之計則萬民幸甚。 百 車 勢不聊 ·運貨早發夕至若能足備· 本 商業均以金融爲本交通爲輔交通旣阻百業廢而金融絀矣年來交通紛亂至於極 來商業繁盛人民依此爲生計稅收亦以此爲挹注設使西路不 里 非一時所能奏效顧不能無治標之策以救眉急竊思鄭州陝州之距離僅三百里。 鐵 路即可 生當 不待 解兩省人民 智者 而 於倒 車輛整頓貨 知。 故開陝省之利實紓陝民之困而 懸公陝人也而督師於豫兩省人民之疾苦早蒙軫念敢 運則陝 西之棉可運出豫 並裕豫民之生也總 省商業 通貨源頓絕則豫省之 可 復活藉 之

#### 致孫馨帥

前 過 長。 允 申。 月因 孚人 本擬趨轅晉謁謹聆政見惟以俗冗牽纏不克如願且公之門牆伺候者衆雖蒙延見。 事 (望行見: 來杭蒙賜接見暢談時局深佩蓋籌我公以聯軍總司令名義來撫吾蘇 凡百政務均循 正軌羣衆歡忭共慶 來 蘇。 下 風 逖 聽無任雀 躍。 今 委任省 者 行 旌

籌 是 之。 適足以 方 而 攤 足 才。 敗。 無 卽 地盤 非存 損害乙方 劃。 人 矣。 竊以 派。 而 民 能 保 囊 盘 巧立名目不厭其多民間之脂膏旣吸盡。 斯 得以 民 罄 之未 量發 摧 五 爲 橐 間 而 吐 日京兆之心。 用 而 殘 安居 事 得 也則籌良法以阻遏之慮莠民之騷擾而侵犯良民也則設峻法以懲戒。 己。 果賢 已 展。 衷 人之 農 曲。 始能 也。不 業。 盈 也工也商 [爱貢 道。 樂業。 也雖 千 山 · 惜蠅 累萬。 勝歎 有 (蕪詞。 今日 必求 不 而 遠 國日以治司 營狗 哉。 顧 勿 叫 **欧治紊亂** 聊當 也礦 退 全。 至於吾蘇屢遭兵燹全省幾 疏。 荷以求 而爲富 但期 不 也以及 況。 贀 面述竊維歐美日本之臻於富强。 民日 遇事 也。 而 不計 家翁 之。及 地 雖 公私事 以富 方長 公正。 親 **彩矣噫以此** 人民疾苦。 旣 勿 長若吾國 得之則 而誅求 用。 而 官。 **予業皆賴-**(且當 亦 有堅强意 能 此滿 曲意 之方法仍百 求 在 視 治。 無 職 土 ---人民之資 忘操行廉記 之日可 般 目 距 地 維 一片乾淨 治益 無智識 瘡 若 護。 征 痍。 不 口出若是者何识 · 憚煩勞慮B 以 其術 服。 遠。 元 本、 之軍 土百端 以此 待 任 知 氣 潔。 識精 所 人民 萬 凋 m 喪之 閥。 千一言以 欲 能 求 待 爲。 有 忍 事 如 甲 神、 也。蓋 方之 大不 秋。 耐 理。 業 犬 能 卽 胥賴 尤貴 勞苦 之發 馬。 力。 若 然者。 且 之 歸 勒 操 通 者 失 輩 捐 於

積

極

圖

|治之精神整理建設之能力與民更始並宜採取嚴厲方針取締一

切破壞舉動予

數 民以發展事業之機更宜隨時探詢各方真相勤求民隱以免隔閡而受蒙蔽苟如 教育會演說詞語簡言賅固能爲 年而無成效者無是理也吾公磊落光明胸羅萬象高瞻遠矚胞與爲懷讀公佳 人民保障切合人民心理者也湘玥謹代表吾蘇人聲香 日 此不 |在浙 出

#### 一段執政

**禱祝我公之坐言起行故不揣冒昧敢獻芻蕘幸垂察焉。** 

滬南 說 予真除則警長之仁德及人也明矣前說而確則電請真除是謂庇惡庇惡豈吾民所願前 瞻肰繋。售煙於國家顏面攸關豈容是非混亂若此爲特電請迅派廉正大員秉公查辦崇 而 售煙甚囂塵上各團體電請查禁揭載無遺禁煙固警長專職乎滬紳及南 不 而肅綱紀別善惡而明是非莫要於此無任盼禱。 -確則藉端| 反對仁德及人之長官是謂犯上犯上亦豈吾民所應爲。 上海 北商 爲 中 外觀 會懇

#### 上段執政

團體

呈為 無錫疊受兵刧育蠶期迫怨請撤退駐兵以安民命而裕稅源事竊維江蘇富饒甲於 藕 初 文 錄 下卷

百二十 省 工 及 爭。 齊 內。 此。 而 離 鄕。 萬之富源全邑人民於一歲中日用所需之仰給於是者又將完全損失果爾則不特 人十 增 城垣 人民日用 無 於境 氏 如 溯自 少 年 錫數 製下 此 進 去 財賦 五 萬。 來各縣改良蠶桑發展實業爲國家開闢富源者莫若無錫。 周 國 外 而 十年 萬 家 而 月十八日齊 級 者。 奉 圍三十里之內莫不被刦且有連刦七八次之多者其焚掠姦殺。 人。間 地 之區政府宜保護之培養之不 之米大都薈萃於是每年貢輸於國家之稅額達一百十餘萬兩。 I. 欲 兵丁。 軍 位迺齊氏質 ·來駐守· **廠密佈商業輻** 歸 經營滲淡之商場悉成瓦礫血汗所得之資財盡付東流蓋自車 接恃 又難 不 得。 工廠 免不 之兵。 氏禍錫迄今一 欲 稱 留 兵 以 無軌 紀律雖較佳。 不 輳論 生活 得。 東 南。 外 困 者倍 無 頓 舉 工 則 錫 情 月有餘全邑工廠商場完全停 動。 搜刮 之。論 紗廠。 形筆 故全邑人 而言語不 ·但以裕平 難宣 絲廠。 商 一空受災獨 則 八民。除老弱時 麵粉 税源。 全國 達 通。 當 軍土 。藉舒正供。 廢。 春 對 令 日 外 重迨齊氏二 碾米廠肥皂廠等。 男子 用所 育蠶 貿易 外仍流 需不能不 之絲。 期 並 水陸交通戶口 頓。 近。 可 於商業· 一次構釁。 苟 大都 失其 人民 連在 洪楊爲 稍 出産 有 丁漕尙不在 之顛沛 外莫敢 站至 兵無 時 稍 E 八 八十二家。 雖 取 於是。 則 對 外競 給 城 尤 鬭 僅 還 於 甚。 全 垣。

皆成 救蘇 南 爲 來。目 布 餓 置。 民迅飭奉軍長官速將駐錫軍隊悉數調回或有軍 学 而國· 擊 如 字情形。 一情形。 此 於軍 一家百 敢安緘 事 民情。 餘 萬 之稅 兩無不 默用特縷述詳情呈請鈞鑒伏乞揮令 額 便則 丁 漕。 人民 亦將無着爲特 安而工廠恢 迫 復。國 事上萬不得已亦請 切 陳詞務懇執 稅 批示 裕 而 **祇遵謹呈執** E 供無 政 本慈祥之念拯 酌量調 虧。 湘 政。 明甫 開。 安

# 廣贈植棉改良淺說通告

南 所 足 歲 世 數 餘。 界產棉國 者皆宜廣植佳棉乃空留 四 有 制 我 分之 加 以應世界需 全國 增。 盆 之死 以 凡四若北美若印度若埃及若我國他產棉國自給 覽海 上。 求我國 一駸駸 命今也以歐戰影響美印棉之到日 關歷 乎達三分之一。苟長 年. 則 入 如許 擁 有絕 口棉 隙地一任荒 貨貿易報 大宜棉之地。 此 告。鮮 廢。不 仰給。 如 知利用。 中部 有 而 本者大減日人遂至我國廣收棉花。 不 不 南部諸 早 駭 然 爲之計卽此 年來生齒日 者。 省在北緯線三十六度以 既無慮不 入口棉貨已占 入 繁用棉之數方且。 足。且 口 棉貨 類能 漏 項。已 出 巵 其

藕

初

文

鍛

下卷

七十九

價隨 不時 乏印 以 廠 盍 巵。 本計畫之人利 印萬册廣贈海內外有心人欲得此書者請向上海寧波路鳳鳴里豫豐紗廠駐滬辦事處 供 者。 對 興 今 以繼 之需於日本底貨搜刮殆盡新貨又未上 紗之來華 粗 乎 外 來。振 則 則 紗製造之用日本粗 相 長增高視平日市 可以 興棉 率 ·者亦大爲? 用時會 而 吸巨大之金 產。 爲 嗷 非 甚 開闢荒原增植棉產改良種 嗷 難 待 減 - 源此次驟平 哺之哀 少。 事。 面已 布 因 暢銷俄境故 欲 一增一倍。本機布廠之歇業者十殆八 知 此 梗概請讀 諸 鴻。 故。 大 受最大之痛感實予吾人以最 、勢所趨。 致令仰知 日本 市來源虛而消路暢於是乎花價暴騰。 拙著『植棉改良淺說』 至 紗之來華者甚少又因潛艇爲 賴 **堪驚** 性。 外貨之國一 加高品質 怖。 海 內 變而 外不 對內則可以塞無限 大之覺 乏持 九。向 一玥以時 爲 自行 遠 之生活於 勢需 悟。 供 大 給。 害。 眼 邦 要特覆 人君子。 光。 噸 兼 作根 位缺 各 供 紗 布 給 布

辛酉秋暮病後啓事

函

索可

也。

票初文錄 下

仰答諸父老昆季愛玥之厚意諸希鑒原而曲諒之是幸。

復外餘均。 於一 色。 玥 我思想。 總商 社 之需求其不隕越者幾希矣。迄今思之追悔無及然亡羊補牢猶未爲遲故自今日始屏 會爲己任年來 幾及千數病初愈不耐勞且處理廠務刻無暇晷除倩書記擇緊要者有關係者酌量答 切 臥 蹶不振醫家云積勞所致元氣久虛故致此 病 會會董 煩 兩 惱凡募捐借款謀就請託等函 增長我識見致力我 月荷蒙諸親友慰問感甚病時所積函件募捐者借款者謀就者請託者形 未遑奉復乞恕不恭明留學時受本 及工 一部局顧問等一俟期 事業較多社會需求亦愈廣不知不覺問用腦不無過分故因 事業假我數年得有羨餘再由自動的作一二利人之事藉以 滿。 件恕不答復無謂之酬 卽行告退我惟有保 省大部分津貼得以卒業回國後卽以 耳明以 個人有限之精力應付 (著我精) 應。 併謝 神清醒 **絕現在所** 我腦 社 小 筋啓發 擔任 病 會 無限 形色 服 而 除 幾 務